



唐會要卷第七十五

推忠協謀佐理功臣光祿大夫守司空兼門
下侍郎同中書門下平章事暨修國史上柱
國太原郡開國公食邑二千戶實封四百戶

臣王溥纂

選部下

選限

藻鑑

藻鑑

附銓選

雜處置

東都選

南選

附科甲

冬集

貢舉上

明經所集業附

帖經條例

選限

武德初因隋舊制以十一月起選至春即停至貞觀二年劉林甫為吏部侍郎以選限既促多不完悉遂奏四時選隨到注擬當時以為便貞觀十九年十一月馬周為吏部尚書以吏部四時持衡畧無暇休遂奏請取所由文解十月一日赴省三月三十日銓畢按工部侍郎韋述唐書云貞觀八年唐皎為吏部侍郎以選集無限隨到時漸大平選人稍衆請以冬初一集大集季春而畢至今行用之諸史又云是馬周未知孰是兩存焉

開元二十年正月二十二日吏部尚書裴光庭奏文武選人承前三月三十日始畢比團甲已至夏末自

今以後並正月三十日內團甲至二十一年六月二十八日蕭嵩奏吏部選人請准舊例至三月三十日團甲畢

正元八年春中書侍郎平章事陸贄始復令吏部每年禁選人舊事吏部常每年集人其後遂三數年一置選選人併至文書多不可尋勘真偽紛雜吏因得大為奸巧選人一蹉跌或十年不得官而官之闕者或累歲無人贄令吏部分內外官為三分計闕集人歲以為常其弊十去七八矣天下稱之十五年六月勅六部奏選人依前三月三十日已前

團奏畢其流外兵部禮部舉人等專委郎官恐不詳
審共為取舍適表公平每至流放之時皆尚書侍郎
對定既上下檢察在得人

元和四年三月二十五日勅今後宗正寺修撰圖譜
官知匭使 至考滿日各宜減兩選也

藻鑑

武德七年高祖謂吏部侍郎張銳曰今年選人之內
豈無才用者卿可簡試將來欲縻之好爵于是遂以
張行或知張運等數人應命時以為知人

玄咸為延譽引以示裴行儉行儉曰才名有之爵蓋
寡揚應令長餘並鮮能令終是時蘇道王劇未知名
因調選遂為儉深異仍謂曰有晚生子息恨不見其
成長二公十數年當居衡願識此輩其後果如其言
行儉嘗引裨偏將有程務廷張虔勗崔知訾王方翼
黨今毗劉敬同郭持封李多祚黑齒常之盡為名將
證聖元年劉竒為吏部侍郎注張文成司馬鏗為御
史監察二人因申屠場以謝之竒正色曰舉賢自無
私二君何為見謝

聖曆二年吏部侍郎鄭果注韓復為太常博士元希

聲京兆士曹嘗謂人曰今年掌選得韓元二子則吏部不負朝廷矣

景雲二年盧從愿為吏部侍郎杜暹自婺州叅軍調集補鄭縣尉後為戶部尚書從愿自益州長史入朝暹立在盧上謂曰選人定如何盧曰亦由僕之藻鑑遂使明公展千里足也

開元八年七月王丘為吏部侍郎拔擢山陰尉孫逖
桃林尉張鏡微湖城尉張普明進士王冷然李昂等
不數年登禮闈掌綸誥焉

十一年十二月吏部侍郎崔林掌日收選人盧怡裴

敦復于孺卿等十數人無何皆入臺省眾以為知人

非因銓選藻鑑附

武德初李勣得黎陽倉就食者數十萬人魏徵高季輔杜正倫郭孝怡皆客遊其所一見于眾之中即加禮敬平武牢獲鄭州長史戴胄釋放推薦之當時以為有知人之鑒

永徽元年中書舍人薛元超好汲引寒微嘗表薦任希古高知周郭正一王義方孟利正十餘人時論稱美

聖曆以狄仁傑為納言頗以藻鑑自任曰舉桓彥範

敬暉崔玄暉張柬之袁恕已等五人後皆有大勳復
舉姚元崇等數十人悉為公相聖曆中則天令宰相
各舉尚書郎一人仁傑獨薦其子光嗣由是拜地官
員外蒞事有聲則天謂之曰初奚內舉果得人也

長安二年則天令雍州長史薛季昶擇察吏堪為御
史者季昶以問錄事參軍盧齊卿舉長安縣尉盧懷
慎季休光萬年縣尉季乂崔湜咸陽縣丞倪若水鰲
屋縣尉田崇璧新豐縣尉崔日用後皆至大官

景雲二年御史中丞韋抗加京畿按察使舉奏奉天
縣尉梁日昇鄉新豐縣尉王倓金城縣尉王水華原

縣尉王燾為判官其後皆著名位

其年朔方總管張仁愿奏用監察御史張敬忠何鸞
長安縣尉寇泚鄠縣尉王易從始平縣主簿劉體微
分判軍事義烏縣尉趙良正為隨軍後皆至大官

元天元年侍中魏知古嘗表薦洹水縣令呂太一蒲
州司功參軍齊澣右內率府騎曹柳澤及為吏部尚
書又擢密縣尉宋遙左補闕袁暉封希顏伊闕縣尉
陳希烈後咸居清要

開元元年盧齊卿為幽州刺史時將守珪為果毅特
禮接之謂曰十年內當知節度果如其言

雜處置

乾封三年十月勅司戎諸色考滿又選司諸色考滿入流人並兼試一經一史然後授官

咸亨三年正月十八日許雍洛二州人任本郡官

天冊元年十月二十二日勅品藻人物銓綜士流委之選曹責成斯在且人無求備用匪一途理當才地並昇輪轅兼授或收其履歷或取其學行糊名考判立格注官既垂委任之方頗異銓衡之術朕勵精思化側席求賢必使草澤無遺方員曲盡改絃易調革故鼎新載想緝熙之崇式佇清通之效其常選人自

今已後宜委所司依常例銓注其糊名人試及令學士考判宜停神功元年十月勅選司抑塞者不須請不理狀任經御史臺論告不得輒于司選喧訴有凌突選司非理喧悖若注簿量殿尤甚者仍于省門集選人決三十仍殿五六選其年閏十月十五日勅八寺丞九丞主簿主監城簿城門符寶郎通事舍人大理寺直評事右左衛千牛衛金吾衛左右率府羽林衛長史太子通事舍人親王掾屬判司叅軍京兆河南太原判司赤城簿尉御史主簿校書正字詹事主簿協律郎奉禮太祝等出身入仕既有殊途望秩常

班須從甄異其有從流外及視品官出身者不得任
前官其中書主書門下錄事尚書都事七品官中亦
為緊要一例不許頗乖勸獎其考詞有清幹景行吏
用文理者選日簡擇取歷十六考已上者聽量擬左
右金吾長史及寺監丞

聖曆元年二月二十二日勅選無故三試三唱三註
不到者不在銓注重注之例其過下三引不在者亦
不在更注之限

三年正月三十日勅監察御史左右拾遺赤縣薄尉
大理評事兩折諸縣城薄尉三任已上及內外官經

三任下考以上不改舊選品者選叙日各聽量隔品
處分餘官必須依次授任不得超越

大足元年正月十五日勅選人應留不須安論考等
若諸事相似即先書上考如書判寥落又無善狀者
雖帶上考亦宜量放

開元二年二月十八日勅繁劇司闕官有灼然要籍
者聽牒選司于應得官人內據可用資歷相當者先
補擬

三年六月八日勅吏部銓選委任尤重比雖守職務
在循常既限之以選勞或失之于求士宜選日拔擢

一二人不須限資次放

四年六月十九日勅六品以下官令所司補授其外
郎御史并餘供奉宜進名授勅

其年七月勅如聞黔州管内州縣官員多闕吏部補
入多不肯去成官已後或假解或從征考滿得資更
別叅選自餘管蠻獠州大率亦皆如此宜令所司于
諸色選人內即召補並馳驛發遣至州令都府勘到
日申所司如遲違牒管内都督決六十追毀告月更
不須與官

其年九月十二日勅諸色選人納紙保後五日內其
保識各于當同其名品并所在人州貫頭御都為牒
一報選司若有偽濫先用缺然後准式處分

十二年四月十五日勅要官兒子少年未經事者不
得作縣官親民

十二年勅定吏部員外郎專判南曹

十四年十一月二十五日勅比來所注擬官多不慎
擇或以資授或未適方宜令吏部每年先于選人內
精加簡試灼然明閑法理者留擬其評事已上仍令
大理長官相知簡擇並不授非其人

十五年九月勅今年勅吏部選人宜依例糊名試判

臨時考第奏聞

十七年二月勅邊遠諸州官多有老弱宜令吏部每年選人內簡擇強幹堪邊任者隨缺補授秩滿量減三兩選與留仍加優獎

天寶四載九月二十一日勅侍郎銓曹八宿令史轉加

八載六月十六日勅旨授官宜待攢符

九載三月十三日勅吏部取人必限書判且文學政事本自異科求備一人百中無一況古來良宰豈必文人又限循資尤難獎擢自今以後簡縣令但才堪

政理圓取人不得限以書判及循資格注擬諸圻望繫上中每等為一申中書門下察問選擇堪者然後奏授大理評事緣朝要子弟中有未歷望圻縣使授此官既不守文又未經事自今以後有此色及朝要至親並不得注擬

十一載七月勅吏部選人書判濫及雜犯不合得留者不限選數並放除此之外先後選深人一槩並留其選深被放人選淺得留人名且留放逗留榜示選人各令知委仍以單狀奏聞不須更起條目至十二月二日吏部尚書楊國忠奏請兩京選人銓目便定

當放無長名遂詔文部選人調集者宜審定格限今
集銓目各量官資書判狀跡功優擢闕合留對象集
便定其宏詞博學或書判特優超越流輩者不須定
以選數聽集武部選人集試日按第功優亦對象流
放

十三載三月二十八日勅旨授官取蜀郡大麻紙一
張寫告身

廣德元年二月勅諸州府及縣今後委有關官宜委
本州當日牒報本道觀察節度及租庸使司具闕由
附便使牒中書門下送吏部依闕准式處分其所闕

官有職稍重者委本府長官于見任及比司官中簡
擇權令勾當正官到日停不得更差前資及白身等
攝吏部及制勅所授官委中書門下及吏部申勅出
後三日內下本州准令式計程外一月不到任本州
報中書門下吏部用闕如灼然如故准勅勒留不在
此限其限程人六品已下本色內殿一兩選許同會
闕不成人例三品已上停一二年其選人諸州諸人
不得奏用

大曆元年十二月勅許吏部選人自相舉如任官有
犯舉主從吏部侍郎王廷昌奏

十二年五月勅見任中書門下兩省五品已上尚書省三品已上子孫各授官者一切擬京官不得擬州縣官

建中元年正月五日勅大理法官及太常禮官宜委吏部每選時簡擇才識相當者與本司商量注擬

正元元年正月二十五日勅宜令清資常叅官每年于吏部選人中各舉一人堪任縣令錄事參軍者所司依資注擬便于甲曆其所舉官名銜仍牒御史臺如到任政理尤異及無贓犯事跡明著所司舉錄官姓名聞奏當議褒貶仍長名後二十日舉仍永為常

式七月吏部奏准今年五月勅郎文緣選人淹滯多時理且權宜發遣請量取建中四年授官至今計日成三考用關注擬其受替人皆于常例稍屈亦宜量事優當委所司選限軍後具所用闕人名銜聞奏至選日各減一選

三年七月復置吏部小選

九年十二月制自今已後應諸使行軍司馬判官畫計參謀支使推官等使罷者如是檢校試五品已上不合于吏部選集並准罷使郎官御史例冬季聞奏十三年三月于吏部選人中簡擇通事舍人

十九年七月勅以閔輔飢罷今歲吏部選集

元和三年正月吏部奏准去年六月勅元和元年下文狀人但有續闕即便註擬元和二年下文狀人切待有兩季下續闕至冬末合收用者注擬伏以非時選集見在無多待闕多年艱辛轉甚其元年二月十三日已前下文狀應未得官人並請依當年平選得選留人例一時註擬其十月以後及今年下文狀文如元勅即與處分亦請准前註擬其餘並請待註平選人畢有闕相當便與註擬如無闕相當即請許待續闕勅旨依奏三月勅秘書省文館崇文館左右春坊

司經局校書郎正字宜委吏部自今平流選人擇取志行正退藝學精通註擬

七年十二月魏博奏管內州縣官二百五十二員內一百六十三員見差假押九十員請有司註擬從之八年八月吏部奏請差定文武官告紙軸之色物五品已上用大花異紋綾紙紫羅裡檀木軸六品下朝官裝寫大花綾紙及小花綾標檀木軸命婦色號許用五色牋小花諸雜色錦標紅牙碧牙軸其他獨窠綾標金銀花牋紅牙發鏤軸鈿等除恩賜外請並禁斷勅旨依奏

其年九月刑部奏准今年七月二十一日勅諸色左降官等經五考滿許量移者其降貶日授正員官或無責詞亦是責授並請至五考滿然後許本任處申闕并餘左降官緣任處多在遐遠至考滿日其申牒稽遲致使留滯者其刺史錄事參軍等並請與下考如滿後雖已申牒未量移間其祿料並准天寶正元兩度勅文依舊支給其本犯十惡等罪其有正名請從舊從之

其年十一月勅有司奏申光蔡三州州縣官緣給復无稅應支俸料今量定員額及課料其六品以下官仍令吏部于選人中選優具註擬每月課錢委所司量與支給其員外及課料等并額待給復年滿一切仍舊

十二年七月詔入粟助邊古今通制如聞定州側近秋稼方登念切數人不同常例有人能于定州納粟五百石者放同優比出身仍減三選一千石者無官便授解褐官有官者依資授官納二千石者超兩資如先有出身及官情願減選者每三百石與減一選十五年二月中書門下奏見任正員充職掌等比限兩考及授官經二周年已上方許奏請然後與依資

改轉有才在下位者不免留滯請自今後諸道使應
奏請正員官充職掌經一年者即依資與改轉如未
周者即量與類試官如此處分庶將得中勅旨依奏
寶曆二年十一月勅旨京一日司應合帶職事奏正
員官者自今已後宜于諸司及府縣見任官中選擇
及府縣見今本官充職如見任無相當者即仕于其
年選人中奏用便據資歷與官不要待銓試仍永為
常式

三年正月山陵使奏伏以景陵先陵已來諸司諸使
所差補押及雜掌官等皆據舊例合得減選其中有

無選可減者便放非時選吏曹緣是承優放選例多
判成有過格年深名身踰濫赴常選不得者多求減
選掌職圖得非時赴集因緣優勅成此倖門其吏曹
為弊頗甚于今請應差前資官充職掌不得取選數
已過格人庶絕奸冒勅旨依奏

太和四年七月吏部奏當司兩銓侍郎廳伏以吏部
居文昌首曹侍郎為尚書二職銓庭所宜順序廳事
固有等衰舊以尚書廳之次為中銓其次為東銓自
乾元中侍郎崔器以當時休咎為虞奏改中為西銓
以久次侍^郎居左以新次侍郎居右因循到置議者非

之狀請自今以後以久次侍郎居西銓以新除侍郎居東銓勅旨依奏其年七月吏部三銓正每史每銓元置七人今請依太和元年流外銓起請置五人減下兩人南曹令史一十五人今請依太和元年流外銓起請節文減下三人奉勅依奏

五年二月吏部奏請置抽大和三年終已來至今年三月四月以來得資及計人成三考闕四十五員伏緣去冬諸色黃衣參選者倍多于常年其間十七人皆是勲臣貴戚及常參官子弟不可任遠處州縣官三銓以當年合用闕方員發遣之外每銓各有十餘

人未得官今請准元和中及長慶初勅例據見在人數量抽前件闕註擬畢其所奏闕聞奏勅旨宜依其年六月勅應選人未試已前南曹校放後經廢置詳斷及准堂判却收比來南曹據給帖人數續到續試銓司更不考判便同平留選人例註擬稍涉僥倖自今已後應有此色並行正月十日准格詳斷限畢都引試判不及格并雜犯及續檢勘庫并前選子案不同並駁放不在更陳狀披訴及重詳斷之限其年五月吏部奏准正元十八年四月一日勅諸親註得外官欲赴任自今已後每年須先奏聞者今請

至時准勅檢勘聞奏其諸親薨歿子弟註得外官准
先後勅合奏聞起自今已後請更赴集更不在重奏
限其給勘處審勘仍于家狀一一具奏親等第如違
駁放勅旨依奏

其月五日勅應選人及冬集于案門下省檢勘畢後
比來更差南曹令史收領却納門下甲庫在于公事
頗甚勞擾自今已後諸勅吏部過院本令史便自分
付甲庫以備他年檢勘請門下省勅甲庫令史每過
選照勘收拾明立文案據官吏等遞相分行不得妄
有破陰南曹申請之時如有稱失落欠少本令史專

知官准勘檢措改違除流例處分

七年五月二十五日中書門下奏今後請令京兆河
南尹及天下刺史各于本府本道當選人中擇堪為
縣令司錄之事叅軍人其課績才能聞薦其諸州先
申牒觀察使都加考覆申送吏部至選集者不要至
試場更試書判吏部尚書引詣銓曹試時務狀一道
訪以理民之術自陳歷任以來課績二條對其理識
優長者以為等第便以大縣註擬如刺史所舉并兩
人得上下考者就加爵秩在任年考已深者優與進
改其縣令錄事得上下考兼績狀者許非時放選如

犯贓一百貫以下者舉主量階削秩一百貫以上者
移守僻遠小郡觀察使委中書門下聽奏進止所舉
人中兩人善政一人犯贓亦得贖免其犯贓官永不
齒錄從之

開成元年十月中書門下奏兩畿及兩京奏六品以
下官餘勅授外並吏部註擬准大和五年正月二十
六日勅中書門下奏近勅隔絕諸司奏六品以下官
寔免占吏部闕員亦稍絕邪濫其兩府司錄及尉知
捕賊皆藉幹能幹能用差專任吏部註或慮與事稍
乖自今已後京兆尹及河南府司錄及尉知捕賊滿

據官資合入者充其餘並准太和元年九月十九日
勅及大和四年五月七日勅處分

會昌三年四月赦文准大和元年十二月十八日勅
進仕初合格並令授諸州府叅軍及緊縣尉未經兩
考不許奏職蓋以科之人必弘理化黎元之弊欲使
諸詳近者諸州長史漸不遵承雖註縣寮多縻使職
苟從知己不念蒸人流例寢成俱費不少况去年選
格改更新條許本郡奏官便當府充職一人從事兩
請科錢虛占吏曹正員不親本任公事其進士宜至
合年諸道依資奏授試官充職如奏授州親縣官即

不在兼職之限

廣明元年勅吏部選人粟錯長名人駁放者險有身
名踰濫及欠選欠考外並以遠殘闕註擬

東都選

貞觀元年京師米貴始分于各州置選

開耀元年七月文館直學士崔融議選事曰關外諸
州道里迢遞洛河之邑天地之中伏望詔東西二曹
兩京都分簡留放既畢同赴京師

開元元年十二月遣黃門監魏知古黃門侍郎盧懷
慎往東都分知選事便令擬宋璟為東都留守攝門

監過官

元和二年九月詔東都留守趙宗儒權知吏部今事
東都選事銓試畢日停

太和二年九月勅吏部今年吏部選事宜令河南尹
王播權知侍郎

太和二年侍郎銓試畢日停

三年四月勅東都選事宜停

南選

上元三年八月七日勅桂廣交黔等州都督府比來
所奏擬上人首領任官簡擇未甚得所自今已後宜

准舊制四年一度差強清明正五品已上官充使選
補仍令御史同往註擬其有應任五品已上官者委
使人共所營督府相知具條景行藝能政術堪稱所
職之上奏聞

大足元年七月二十九日勅桂廣泉建賀福韶等州
縣既是好處所有闕官宜依選例省補

開元八年八月勅嶺南及黔中參選大曹名文解每
限五月三十日到省八月三十日檢勘使了選使及
選人限十月三十日到選所正月三十日內銓註使
畢其嶺南選補使盛移桂州安置

其年九月勅應南選人嶺南每府同一解領比州

黔府管內州每州同一解各命所管勘責出身由歷
選數課績優劣等給作簿書先申省勘應選人曹
名考第一事以已明造曆于選使兼本司對勘定訖
便結階定品印牒付選使其使每至選時皆須先
所擬官受司團奏後所司但覆同即憑進畫應給籤
告所司為寫限使奏勅到六十日寫了差專使送付
黔桂等州州司各送本州府分付

天寶十三載九月勅如聞嶺南州縣近來頗習文儒
自今已後去其嶺南五府管內白身有詞藻可稱者

每至選補時任令應諸色鄉貢仍委選補使選考式
試有堪及第者具狀聞奏如有情願赴京者亦聽其
前資官并常選人等有詞理兼通才堪理務者亦任
北選及授北官

大曆十四年十二月二日勅南選已差郎官固宜專
達自今已後不須更差御史監臨

興元元年勅吏部侍郎劉滋知洪州選事將京師寇
盜之後天下蝗旱穀價騰貴選人不能赴調乃命滋
江南典選以其使江嶺之人時稱舉職

其年十一月嶺南選補使右司郎中獨孤面奏狀奉

建中四年九月勅選補條件所註擬官便給帖放上
至上都赴吏部團奏給告身勅旨准勅處分

正元十二年十一月勅嶺南黔中選舊例補註訖給
票放上其俸除手力紙筆園除雜給之外餘並待奏
申勅到後據上 給付其福建選補使宜停其挂廣
泉建福賀韶等州宜依選例稱補

二年三月考功員外郎陳歸為嶺南選補使選人留
放註官美惡違背文今唯意出入復洪求無厭郵傳
患之監察御史韓叅奏刻得罪配流恩州

元和二年八月命職方員外郎王潔充嶺南選補使

監察御史崔元方監焉

長慶二年正月勅權停嶺南點中今年選補

寶曆二年二月營經畧使嚴公素奏當州普寧等七州乞准廣韶桂賀四州例南選從之

太和三年勅嶺南選補雖是舊例制遠路行李未免勞人當處若有才能廉使宜委推擇待兵息事簡續舉舊章其南選使可更停一二年七年正月嶺南五管及黔中等道選補使宜更權停一二年

開成二年正月又權停三年

五年七月潮州刺史林郇揚奏州縣官請同漳河廣

韶桂賀等州吏曹註官勅旨潮州是嶺大郡與韶畧同宜下吏部准韶州例攷闕註擬餘依

其年十一月嶺南節度使盧均奏當道伏以海嶠釋吏與江淮不同若非諸熟土風即難搜求人瘼且嶺中往之弊是南選今之弊是北選臣當管一十五州唯韶廣兩州寮每年吏部選授道途遙遠瘴癘交侵選人若家事任持身名真實孰不是負無由肯來更以俸入單徼每歲號為比遠若非下司貧弱令吏即是遠處無能之流比及到官皆有積價十中無一肯識廉恥臣到任四年備知情狀其潮州官吏伏望持

循徃例不令吏部註擬且委本道求官若揖官廉慎
有聞依前許觀察使奏正事堪經久法可施行勅旨
依奏

附科甲

聖曆元年二月勅文武選人檢甲曆不獲者宜牒中
書門下為檢如又不獲若在曹有官前後相御可明
者亦聽為叙

開元二年二月勅諸色出身人銓誠訖應常選者當
年當色各為一甲團奏給告牒過百人已上分不滿
五人附入甲

十六年五月勅諸蕃應授内外文武官及留宿衛長
上者共一甲其放還蕃者別為一甲仍其形狀年凡
同為一奏

十九年四月勅應授官考校叙功累勲有失錯者門
下省詳覆有憑即為改註

十八年正月十一日勅附甲授官無闕者却牒中書
門下改擬

天寶二年十一月勅諸州醫學士等宜隨貢舉例申
省補署十年典散官恐年歲深久檢勘無憑仍同流
外例附甲

大曆六年七月宰臣奏諸自今已後勅授文武六品
以下官勅出後附兵部附甲團奏

正元五年十二月勅除常參官及諸使判官等餘並
附所司甲其兵部選人亦選此

八年二月戶部奏內外官應直京內百司及禁中軍
并國親勅留人等戶部侍郎盧徵奏伏以前件直司
諸勅留官等若出勅便帶職爭及勅留京官即合以
勅出為上日外官比勅到為上自如本司未經奏聞
即合同赴任官例准貞元六年二月二十四日勅待
甲出後省符到任日支給俸料者甲出未帶勅留官

簽符先下州府交替理例未免誼爭伏請自今以後
並須挾多勅留勅到任方為上日支給料錢其附甲
官有結甲依前勅留直諸司者待符甲後簽到州為
上日支給課異塞倖求廢絕論訴勅旨宜依

冬集

大曆十一年五月勅禮部送進士明經明法弘文生
及崇生道舉等准式據書判資蔭量定冬集授散其
春秋公羊穀梁周禮儀禮業人比緣習者校少開元
中勅一例冬集其禮業每年授散自今已後禮人及
道舉明法等考試書判稍優并蔭高及身是勲官三

衛者准徃例註冬集餘並授散

上元元年十二月二十七日天后上表曰伏以聖緒
出自元五千之文寶惟聖教望請三公以下內外
百官皆習老子道德經其明經咸令集讀一唯孝經
論語所司臨時策試請施行之至二年正月十四日
明經咸試老子策二條進士試三條

儀鳳三年三月勅自今已後道德經孝經並為上經
貢舉皆須兼通其餘經及論語任依恒式

長壽二年三月則天自製臣範兩卷令貢舉人習業
停老子

神龍元年二月二日赦文天下貢舉人停習臣範依
前習老子

開元十六年十二月國子祭酒楊瑞奏今之明習左
氏者十無一二恐左氏之學廢文儀禮公羊穀梁亦
請量加優獎遂下制明經習左氏及通周禮等四經
者出身任散官至正元元年五月二日勅自今已後
明經及習禮記及果第者許冬集

天寶元年四月三日勅自今已後應舉除崇玄學生
外自餘所試道德經宜並停仍令所司更別擇一小
經代之其年加爾雅以代道德經至正元元年四月

十一日勅比來所習爾雅多是草木鳥獸之名無益
理道自今已後宜令習老子道德經以代爾雅其進
士亦宜同大畧例帖試至十二年三月十七日國子
司業裴肅奏爾雅傳通詁訓綱維六經為文字之楷
範作詩人之興咏備詳六親九族之禮多識鳥獸草
木之名今古習傳儒林遵範無老子是聖人玄微之
言非經典通明之旨為舉人所習之書伏恐稍乖本
義伏請依前加爾雅奉勅宜准天寶元年四月三日
勅處分

二年三月禮月令篇宜冠衆篇之首餘舊次之

三年七月詔曰尚書古先所制不異于書今抄寫漸
訛轉疑于後學永言刊革必在從宜尚書應是古字
休並依今文

建中二年十二月中書舍人權知禮部貢舉趙贊奏
應口問大義明經等舉人明經之目義以為先比來
相承唯務習帖至于義理少能通經術寢衰莫不由
此今若頓取大義恐全少人欲且因循又以無以
勸學請約舉司舊例稍示考義之難承問前義不形
文字第落之後喧競者多臣今請以所問錄于紙上
各令直書其義不假文言既與策有殊又事堪證憑

此取舍庶歸至公如有義策全通者五經舉人請准
廣德元年七月勅超與處分明經請減二選伏請每
歲甄獎不過數人庶使經術漸興人知教本旨勅明
經義策全通者令所司具名聞奏續商量處分餘依
正元二年六月詔其明經有能習律一部以代爾雅
者如帖經俱通于本色減兩選合集日與官

十三年十二月尚書左丞權禮部貢舉顧少連奏伏
以取士之科以明經為首教人之本義理為先至于
帖書及以對策皆形文字並易考尋試義之時獨令
口問對答之失覆視無憑黜退之中流議遂起伏請

准建中二年十二月勅以所問錄于紙上各合直書
其義不假文言仍請依經疏對奉勅宜依

元和二年十二月禮部貢院五經舉人請罷試口義
准舊試墨兼十餘條五紙通六便放入策詔從之

七年十二月權知禮部侍郎韋貫之奏試明經請墨
依舊格口問義從之

開成四年十月勅每年明經及第宜更與十人

帖經條例

貞觀九年五月勅自今已後明經兼習周禮并儀者
于本色者量減一選

永隆二年八月勅如聞明經射策不讀正經抄撮義
條終有數卷進士不尋史籍唯誦文策銓縱藝能遂
無優劣自今已後明經每經帖十得六已上者進士
試雜文兩首識文律者然令試策其明經筭舉人亦
准此例即為常式

永淳二年三月詔舉人並詔策三道即為永例

開元八年七月國子司業李元瓘上言三禮三傳及
毛詩尚書周易等並聖賢微旨主人教業必事資經
遠則斯文不墜今明經所習務在出身咸以禮記文
少人皆競讀周禮經邦之軌則儀禮莊敬之楷模公

羊穀梁歷代從之今兩監及州縣以獨學無支四書
殆絕事資訓誘不可因循其學生望請量配作業并
貢人參試之日習周禮儀禮公羊穀梁並請帖十道
五許其入策以此聞者或有敦勸仰望四海均集九
經該備從之十六年十二月國子祭酒楊瑒今之
舉明經者主司不詳其述作之意每至帖試必取年
頭年月孤經絕自今已後考試官者盡帖平文以存
大典十七年三月國子祭酒楊瑒上言曰伏聞承
前之例每年應常有千數及第兩監不過一二十人
臣恐三千學徒虛費官廩兩監博士濫糜天祿臣竊

見入仕諸色出身每歲向二千餘人方于明經進多
十餘倍自然服勤道之士不及胥吏以其效官豈識
先王之禮義陛下設學務以勸進之有司為限約務
以出退之微誠實所未曉今監司課十已退其八九
考功及第十又不收一二若長以為限恐儒風漸墜
小道將興若以出身人多應諸色都減豈在獨抑明
經進士則古之孝廉 二十一年勅令士庶家藏老
子一本每年貢舉人量減論語一兩條策加老子策
二十五年二月勅今之明經進士則古之孝廉秀才
近日以來殊乖本意進士以聲律為學多昧古今明

經以帖誦為功罕窮旨趣安得為敦本復古經明行
修以此登科非選士取賢之道其明經自今已後每
經宜帖十取五已上免舊試一帖仍按問大義十條
取六已上免試經策十條令答時務策三道取粗有
文理者與及第其進士宜停小經准明經帖大經十
帖取通四已上然准例試雜文及第者通與及第其
明經中有明五經已上試不通者進士中兼有精通
一史能試策十條得六以上者委所司奏聽進止其
應試進士等唱第訖其所試雜文及策送中書門下
詳覆其所問明經大義口須對同舉考試應能否共

知取舍無愧有功者 此詔因侍郎姚奕奏
天寶十一載七月舉人帖及日試並宜對衆考定更
唱通否 其載十二月勅禮部舉人比來試人頗非
允當帖經首尾不出前後復取者也之夫頗相類之
帖下為弊已久須有釐革禮請每帖前後各出一行
相類之處並不須帖 十二載六月八日禮部奏以
貢舉人帖經既前後出一行加至帖通六與過

唐會要卷第七十五

唐會要卷第七十六

推忠協謀佐理功臣光祿大夫守司空兼門
下侍郎同中書門下平章事暨脩國史上柱
國太原郡開國公食邑二千戶實封四百戶
臣王溥纂

貢舉中

進士

緣舉雜錄

制科舉

孝廉科

開元禮

三禮

三傳

三史附童子

明法

進士

貞觀八年三月三日詔進士試讀一部經史二十二
年九月考功員外郎王師旦知舉時進士張昌齡王
公瑾並有俊才聲振京邑而師旦考其大策全下舉
朝不知所以及奏等第太宗怪無昌齡等名曰召師
旦問之對曰此輩誠有文章然其體性輕薄文章浮
豔必不成令器臣若擢之恐後生相效有變陛下風
雅帝以為名言後並如其言

調露二年四月劉思立除考功員外郎先時進士但
試策而已思立以其庸淺奏請帖經及試雜文自後
目以為常式

開元二十四年十月禮部侍郎姚奕請進士帖式氏
傳禮通五與及第乾元初中書舍人李揆兼禮部侍
郎揆嘗以主司取士多不考寔徒峻其隄防索其書
策殊不知藝不至者居文史之圃亦不能摘其詞藻
深昧求賢者也及其試進士文章日于中庭設五經
及各史及切詔本于牀而引貢士謂之曰大國進仕
務得才經籍在此務尋檢由是數日之間美聲上聞
上元年劉嶢上疏曰國家以禮部為孝廉之門考文
章于甲乙故天下響應驅于才藝兼務于德行夫德
行者可以化人成俗才藝者可以約法立名故有朝

登甲科而夕陷刑制，法守度使之然也。陛下焉得不改而張之。至如日誦萬言，何閑理體。文成七步，未足化人者。子張學干祿，仲尼曰：言寡尤，行寡悔，祿在其中矣。又曰：行有餘力，則以學文。今舍其本而修其末，況古之作文，必諧風雅。今之末學，必近典謨。勞心于卉木之間，極筆于煙霞之際，以此風俗，斯大謬矣。昔採詩以觀風俗，咏巷阿則忠臣喜頌，蓼莪而孝子悲溫，良敦厚詩教也。豈有淫文哉。夫人之愛如水之下，上有所好，下必甚焉。陛下若以德行為先，文藝為末，必須勵行以佇甲科，艷舒俊才擯而沒齒，陳寔長于上，豈有不變者哉。

永徽元年始制兩都舉禮部侍郎官號，皆以兩都為名。每歲兩地分放及第，自大曆十二年停東都舉，是後不置。

建中二年十月中書舍人權禮部貢舉趙贊進士先試詩賦各一篇，時務策五道，明經策三道。今請以箴論表贊代詩賦，仍試策二道。

三年四月禮部應進士舉人等，自今已後如有試官及不合選并諸色出身人等，應舉者先于舉司陳狀。

准例考試如才堪及第者送名中書門下重加考覆如寔才堪即令所司進納告身注毀官申准例與及第至選日仍稍與處分其正員官不在舉限

元和二年十二月勅自今已後州府所送進士如跡涉踈狂兼虧禮教或曾任州府小吏有一事不合清流者雖薄有辭藝並不得申送如後舉事發長吏奏停現任如已停替者殿二年本試官及司功官見任及已停替並量事輕重貶降仍要御史臺常加察訪長慶元年勅今年錢徽下進士鄭郎等一十四人宜令中書舍人王起主客郎中知制誥白居易重試覆落

十三人三月丁未詔國設文學之科本求寔才苟容僥倖則異至公訪聞近日浮薄之徒扇為朋黨謂之關節干擾主司每歲策無不先定永言敗俗深用興懷鄭郎等昨令重試乃求深僻題目貴觀學淺深孤竹管是祭天之樂出于周禮正經閱其程試之文都不知其本事辭律鄙淺蕪累可知其溫業等三人粗通可與及第其餘落下今後禮部舉人宜准開元二十五年勅及第人所試雜策先送中書門下詳覆侍郎錢徽貶江州刺史二年正月禮部侍郎王起奏曰伏以禮部放榜已是成名中書重覆尚未及第重

覆之中萬一不定則放榜之後遠近誤傳其于事理
寔為非便臣伏請今年進士堪及第者本司考試訖
其詩賦先送中書門下詳覆候勅却下本司然後准
舊例大字放榜從之

太和七年八月禮部奏進士舉人先試帖經并畧問
大義取經義精通者次試議論各一首文理高者便
與及第其所試詩賦並停者伏請帖大經小各十帖
通五通六為及格所問大義便與習大經內准格明
經例問十條仍對眾口議伏准新制進士畧問大義
緣初釐革今以通三通四為格明年以後並依明經

例其所試議論請限五百字以上成勅旨依奏
八年正月中書門下奏進士放榜舊例禮部侍郎皆
將及第人名先呈宰相然後放榜伏以委在有司固
當精慎宰相先知取舍事匪至公今年以後請便令
放榜不用先呈人名其及第人所試雜文及鄉貢三
代名諱並當日送中書門下使令定例勅旨依奏
其年十月禮部奏進士舉人自國初以來試詩賦帖
經時務策五道中間或整改更旋即仍舊蓋以成格
可守所取得人故也去年八月勅節文先試帖經曰
議論等以臣商量取其折衷伏請先試帖經通數依

新格處分勅旨依奏 九年十二月中書門下奏今
月九日閣內面奉進止令條流進士數及減下諸色
入仕人等准太和四年格及第每年不得過二十五
人今請至四十人明經准太和八年正月勅令減下
人數外及第不得過一百一十人今請再減下十人
會昌三年正月勅禮部所放進士及第人數自今後
但據才堪即與不要限人數每年止于十人五人總
得 四年二月權知貢舉左僕射太常卿王起下及
第二十五人續五人堪放及第揚知至竇緘揚嚴扑
源仲奉勅紙放揚嚴及第餘並落下

開成元年二年三年並高錯知貢舉每年皆恩賜題
並四十八 其年十月中書門下奏朝廷設文學之
科以求髦俊臺閣請選莫不由茲近緣覆實不在干
鄉閭趨名頗雜于非類致跋扈之地情計交通將澄
化源在舉明憲臣等商量今日以後舉人于禮部納
家狀後望依前五人自相保其衣冠則以親姻故舊
久同遊處者其江湖之士則以封壤接近素所諳知
者為保如有孝弟之行資朋黨之勢跡由邪徑言涉
多異端者並不在就試之限如容情故自相隱蔽有
人糾舉其同舉並三年不得赴舉仍委禮部明為戒

勵編入舉格勅依奏 五年二月諫議大夫權知貢
舉陳商放及第二十七人其年三月勅戶部侍郎翰
林學士向敏中重試覆落七人 其月中書門下奏
貢舉人並不許于兩府取解仰于兩都國子監就試
大中元年正月禮部侍郎魏扶放及第二十三人續
堪放及第三人封彥卿崔琢鄭延休等皆以文藝為
衆所知其父皆在重任不敢選取其所進詩賦奉進
止令翰林學士戶部侍郎知制誥韋琮等考盡合程
度其月二十三日奉進止並付所司放及第有司考
試祇合在公如涉徇私自典刑從今以後但依常

例取舍不得別有奏聞

其年六月中書門下奏貢

舉人取解宜准舊例于京兆府河南府集試從之

二年正月中書門下奏從正元元年大和九年秋冬
前皆是及第從便諸侯府奏試官充從事兼史館集
賢弘文諸司諸使奏官充職以此取人常多得士由
是長不乏材用大和末會昌中選四選諸方得奏州
縣官充職如未合選並不在申奏限臣等昨已奏論
而奉進止自今已後及第後第三年即任奏請勅旨
依奏

天祐三年三月勅今年吏部所放進士依去年人數

外更放兩人

緣舉雜集

長壽二年二月左拾遺劉承慶上疏曰伏見比年以來天下諸州所貢物至元日皆陳在御前唯貢人獨于朝堂列拜則金帛羽毛升于玉階之下賢良文學棄彼金門之外恐所謂貴才而賤義重物而輕人伏請貢人至元日列在方物之前以脩克庭之禮制曰可

開元五年九月詔諸州鄉貢進士見訖宜令引就國子監謁先師學官為之開講質問疑義仍令所司優

厚設食兩館及監內得解舉人亦准此其日清官五

品已上及朝集使並往觀禮為常式

謁先師自此始也

十九年六月勅諸州貢舉皆于本貫籍分信明者然依例不得於所附貫便求申送如有此色所由州縣即使催科不得遞相容許

二十四年九月二十日禮部以貢舉請別置印

天寶十二載七月十三日天下舉人不得充鄉賦皆須補國子學生及郡縣學生然後聽舉至至德元年已後依前鄉貢永春元年七月以京師米貴遂分兩京集舉人至大曆十年五月十九日勅今年諸色舉

人悉赴上都准舊例十月二十五日隨考試戶部着
到興元元年中書省有柳樹建中末枯至是丹榮人
謂之瑞柳禮部侍郎呂渭試進士以瑞柳為題上聞
而惡之

正元七年兵部侍郎陸贄權知貢舉時崔元翰梁肅
文藝冠時贄翰心與肅與元翰推薦藝實之士升第
之日雖衆望不愜然一歲選士纔十四五數年之內
居臺省者十餘人 十六年十二月勅禮部別頭舉
人宜委禮部考試不須置別頭 十八年五月勅明
經進士自今已後每年考試所拔人明經不得過一

百人進士不得過二十人如無其人不必要補此數
十九年勅禮部舉人自春已來久憊時雨念其旅食
京邑資用屢空其禮部舉人今年宜權停

元和十三年十月權知禮部侍郎庾承宣奏臣有親
屬應明經進士舉者請准舊例送考功試從之自正
元十六年高郢掌貢舉請權停考功別試識者是之
自今始復

太和元年二月勅自今已後天下勲臣郎將子弟有
能修詞尚學應進士明經及通史學者委有司務加
獎引 其年七月勅今年宜權于東都置舉其明經

進士便在東都赴集其上都國子監舉人等合在上
都試及節目未盡者條流奏聞 八年正月禮部侍
郎李洪奏准太和七年八月勅貢舉人不宜賦詩賦
策且先帖大經小經共二十帖次對正義十道次試
議論各一首訖考覆放及第 其勅吏部禮部兵部
今年選近緣伏未出早相曰恐致災荒權令停罷及
歛藏之後物力且任念彼求名之人必懷觸望之志
寧我令以慰其心宜依常例却置應緣所納文狀及
銓試等期限仍准今年格文遞延一月
大中元年正月勅自今放進士榜後杏園任依舊宴

集所司不得禁制先是武宗如遊巡曲江亭禁人宴
聚故也 十年四月禮部侍郎鄭穎達諸家科目記
十三卷勅付翰林自今放榜後仰寫及第姓名及所
試詩賦題目進入內仍付所司逐年編次
咸通十一年四月勅去年屬以用軍之際權貢舉一
年今既偃文却宜仍舊來年宜許別三十人及第進
士十人明經進士二十人已後不得援例

制科舉

顯慶三年二月志烈秋霜科韓彥及第
乾封元年幽素科蘇瑗解琬苗神容格輔元徐昭劉

納言崔谷神及第

上元三年正月韓殫文律科崔融及第

永隆元年岳牧舉武涉縣尉員半千及第上御武成殿親問曰兵書云天陣地陣人陣各何謂也半千對曰臣謂載籍多謂天陣謂星孤虛也地陣謂山川向背也人陣諸編伍彌縫也以臣愚見謂不然矣夫師出以義有若時雨得天之時此天陣也兵在足食且耕且戰得地之利此地陣也士卒輕利將帥和睦此人陣也若有兵者使三者去矣其何以戰上深賞之垂拱四年十二月辭標文苑科房晉皇甫瓊王旦及

第

永昌元年正月蓄文藻之思科彭景直及第抱儒素之業科李文愿及第

長壽三年四月臨難不顧狗節寧邦科薛稷寇泚及第

證聖元年長才廣度沉迹下僚科張漪及第

通天元年文藝優長科韓琬及第

神功元年九月絕倫科蘓頡崔玄童袁仁敬何鳳孟温禮洪子輿盧從愿趙不欺及第

大足元年理選使孟詵試拔萃科崔翹鄭少微及第

疾惡科馮萬石及第

長安二年龔黃科馬克麾及第

神龍一年才膺管樂科張大求魏啟心魏愔盧絢張
文成褚璆咸廩業郭鄰趙不為及第才高位下科馮
萬石晁良正張敬及第 三年才堪經邦科張九齡
康元懷及第賢良方正科蘇晉宋務光寇泚盧怡呂
恂及第

景龍二年抱器懷能科夏侯銛及第茂才異等科王
敬從盧重玄及第

景雲二年文以經國科袁暉韓朝宗及第藏名負俗
科李俊之及第

先天二年文經邦國科韓休及第藻思清睿科趙東
曦及第寄以宣風則能興化變俗科鄉鄰之及第道
眸伊呂科張九齡及第手筆俊拔超越輩流科杜昱
張子漸張秀明常無名趙居正賈登邢巨及第
開元二年直言極諫科梁昇卿袁楚客及第折人奇
士逸論屠釣科孫逖及第良才異等科邵閏之崔翹
及第文儒異等科崔侃褚庭晦及第文史兼優科李
昇期康子元達奚珣及第

六年博學通議科鄭少微蕭誠及第 七年文辭雅

麗科邢巨苗卿褚思光趙良器及第 十二年將帥
科裴敦復房自謙及第 十五年武足安邊科鄭防
樊衡及第高才沉淪草澤自舉科鄧景山及第
十七年才高未達沉迹下僚科吳鞏及第 十九年
博學宏詞科鄭昉陶翰及第 二十一年多才科李
史魚及第 二十三年王霸科杜綰及第智謀將帥
科張重光崔圓李廣琛及第
天寶元年文辭秀逸科崔明允顏真卿及第 六年
風雅古調科薛據及第 十三年二月辭藻宏麗科
楊綰及第

大曆二年樂道安貧科楊膺及第 六年諷諫主文
科鄭珣瑜李瑜及第

建中元年賢良方正能直言極諫科姜公輔元友直
樊澤呂元膺及第文辭清麗科奚陟梁肅劉公亮鄭
轅沈封吳通玄及第經學優深科孫玘黎逢白季隨
及第高蹈丘園科張紳魏良儒蘇哲及第軍謀越衆
科夏侯審平知鄭僖凌正周渭丁俛及第孝弟留聞
于鄉閭科郭黃中崔浩李牧及第

正元元年賢良方正能直言極諫科韋執誼鄭利用
穆質楊郟裴復柳公綽歸登李方崔邠鄭敬魏張簡

沈迴元祐徐袞及第博通墳典達于教化科熊執易
劉簡甫及第識洞韜畧堪任將帥科許贄及第
四年四月賢良方正能直言極諫科崔元翰裴次元
李彞豈豐史年陸震柳公綽趙參徐弘聲韋彭壽鄒
儒立王乃杜綸元易王真及第清廉守節政術可稱
堪縣令科李巽及第孝弟留聞于鄉閭科張皓及第
十年十二月賢良方正能直言極諫科裴垵王播朱
諫裴度熊執易許堯佐徐弘毅崔群皇甫鏞王仲舒
許季同仲子陵鄭仕材丘穎及第博通墳典達于教
化科朱穎及第許明政術可以理人科張平敬李景

亮及第

元和元年四月才識兼茂明于體用科元稹韋惇獨
孤郁白居易曹景伯韋慶復崔綰羅讓崔護薛存慶
韋衍李蟠元修沉傳師蕭俛柴宿及第達于吏理可
使從政科陳岵及第 三年四月賢良方正能直言
極諫科牛僧孺皇甫湜李宗閔李正封吉弘宗徐晦
賈餗王起郭球姚袞庾威及第 博通墳典達于教
化科高苞陸旦及第軍謀宏達材任將帥科樊宗師
及第 達于吏理可使從政科陸肅及第
長慶元年十二月賢良方正能直言極諫科龐嚴任

畹呂述姚中立韋曙李回崔嘏崔龟從韋正貫崔知
白陳玄錫及第詳明政術可以理人科崔郢及第軍
謀宏達材任將帥科吳思李商卿及第博通墳典達
于教化科李思玄及第

寶曆元年四月賢良方正能直言極諫科唐紳楊儉
韋端符舒元襄蕭敞楊魯士來擇趙祝裴憚韋繇李
昌寶嚴楚封李涯蕭夷中馮球元晦及第詳明吏理
達于教化科韋正貫及第軍謀宏達材任邊將科裴
儔侯雲章及第

太和二年閏三月賢良方正能直言極諫科李邵裴
沐裴素南卓李甘杜牧馬植鄭亞崔博崔璵王戎羅
邵京崔渠韓賓崔慎田愔韋昶崔煥崔讜及第詳明
吏理達于教化科宋混及第軍謀宏遠堪任將帥科
鄭冠李式及第

載初元年二月十四日試貢舉人于洛城殿前數日
方畢殿前試人自茲始也

天授三年右補闕薛謙光上疏曰國以得賢為寶臣
以貢士為忠是以子皮之讓國僑鮑叔之推管仲燕
昭委兵于樂毅符堅託政于王猛此由識士之深也
若宰我見遇于仲尼逢萌被知于文叔韓信無聞於

項氏毛遂不齒于平原此失士之故也何者比來薦
舉多不以才假譽馳聲互相推獎希潤身之小計忘
臣子之大猷非所以報國求賢副陛下翹之望也
古之取士有異于今先觀名行之源考其鄉邑之譽
崇禮讓以勵已揚信義以標信以敦材為先最以雕
蟲為後科故人崇勸讓之風俗去輕浮之行希古者
必修確然不拔之操行難進易退之規衆議已定其
高下郡將難誣于曲直故計貢賢愚即州將之榮辱
穢行彰露亦鄉人之厚顏是以李陵降而隴西慙段
干隱而西河美故名勝于利則小人之道銷利勝于

名則貪暴之風扇是知化俗之本須擯輕浮昔異缺
以蹈禮升朝則晉人知禮文翁以儒林獎俗則蜀士
從儒未有上之所好而下不從其化者自七國之
計雖雜縱橫而漢世求才猶徵百行是以禮節之士
道德自修里閭推高然後為府寺所辟魏氏取人尤
愛放達晉宋之後祇重門資獎為人求官之風垂授
職為賢之義有梁薦士雅愛屬辭陳氏簡賢特珍賦
詠故其以詩酒為重不以修身為務逮至隋室餘風
尚存開皇中李諤論之于文帝魏之三祖更好文辭
世俗以此相高朝廷以茲擢士故文章日煩其政日

亂帝納李諤之策由是下制禁斷文華浮辭其年泗
州刺史司馬幼之以表不典寔得罪于是風俗改勵
政化大行煬帝嗣興又變前法置進士等科于是後
生之徒復相倣倣緝綴小文名之策學不以指寔為
本而以虛浮為貴有唐纂曆雖改革于前非陛下君
臨治察方于共理樹本崇化唯在旌賢今之舉人有
垂事寔議行決小人之筆行修無長者之論第策喧
競于州府祈息不勝于拜伏或明制纔出試遣搜駁
馳驅府寺之門出入王公之第察其行而度其材則
人品于茲見矣狗已之心切則至公之理垂貪仕之

性彰則廉潔之風薄是知府命雖高異叔度勤之
讓黃門已貴無秦嘉耿之辭縱不能挹已推賢亦
不肖待于三命祇如才應經邦之流准令試策武能
制敵之列祇驗彎弧若其文擅清竒便充甲第藻思
微減旋即告歸以此牧人恐垂事寔何者廣假筆于
潘岳靈運辭高于穆之平津文列于長卿子建萃麗
于荀彧或以射策為最則潘謝賈馬必居孫之
右若使協贊機猷則安仁靈運亦無裨益之補由此
言之不可一槩取也至如武藝則趙雲雖勇資諸葛
之指搗周勃雖雄乏陳平之計畧若使樊噲居蕭何

之任必失指縱之機使蕭何入戲下之軍亦無免主
之效是知謀將不取于弓馬良相不資于躬策伏願
降明頒峻科斷浮虛之餘辭取實用之良策文則試
以劾官武則令其守禦初既察言觀行終則循名責
實謹按漢法所舉之主終身保之揚雄之坐田儀貴
其冒薦成子之居魏相酬于得賢賞罰之令行則請
謁之心絕退讓之義著則貪競之路銷不寔免王丹
之官得人加翟璜之賞自然舉得真才則君子之道
長矣

景雲元年十二月制四方選集群才輻湊操斧伐柯
求之不遠其有能習三經通大義者綜一史知本末
者通三教宗旨究精微者善六經文字辨聲象者博
雅曲度和六律五音者韜畧學孫吳識天時人事者
暢于辭氣聰于受領善敷奏吐納者咸令所司博採
明試朕親擇焉

開元八年三月上親策試應制舉人于含元殿謂曰
古有三道今減從一道近無甲科朕將存其上策務
收賢俊仍令有司設食

二十六年正月勅孝弟力田風化之本比來將同舉
人考試辭策今後兩事兼着狀迹殊尤者委所由長

官特以名薦更不須隨考便例申送

天寶十三年十月一日御勤政樓試四科舉人其辭藻宏麗問策外更試詩賦各一道始制舉試詩賦從此

元和三年三月勅制舉人試訖有逼夜納策計不得歸者並於光宅寺止宿應巡檢勾當官吏并隨後人等待舉人納策畢並赴保壽寺止宿仍各仰金吾衛使若人監引送至宿所如勾當勿令喧雜其年四月以起居舍人翰林學士王涯為都官員外吏部員外郎韋貫之為果州刺史先是策賢良詔揚於陵鄭敬李益與貫之同考覆是時牛僧孺皇甫湜李閔宗條

對甚直無所畏避考官第其策皆居三等權幸或惡其詆已而不中第者乃註解其策同為唱誹又言涯居翰林其甥皇甫湜中選考覆之際不先上言故同坐焉居數日貫之再黜巴州司馬涯虢州司馬揚於陵遂出為廣州節度使裴均時為翰林學士居中覆視無所異同及為貴倖位訴情罪于上上不能已罷均翰林學士除戶部侍郎十五年二月勅先帝所徵賢良方正能直言極諫等科目朕不欲親試宜令中書門下尚書省四品已上官就尚書省同試吏部尚書趙宗儒奏奉勅以先朝所徵制科舉人令與中

書門下四品已上官同于尚書省就試者伏以制科所試本在親臨南省策試亦非舊典况今山陵日近公務繁迫臣商量且宜停罷從之

太和三年以散騎常侍馮宿太常少卿賈餗庫部郎中龐嚴為考官策第二十二人而前進士劉蕢策果切直不居是選其間指陳時事不選貴近言辭激切士林感動雖賈董無以過也而考官有所畏忌不敢上聞隨例擯斥識者議之喧然不平守道正人傳其文相至有相對而泣者諫官等或將其策白于宰臣宰臣怯憚亦不敢為之明白登科人李邵者深有所

愧抗表請讓官于蕢事竟不行又天復初劉季述敗起居郎羅衮上疏請追贈蕢于是下詔贈左諫議大夫仍訪子孫叙用初蕢條對制策言宦官權威後必為患及是而果然也

四年正月德音節文天下諸色人中有賢良方正能直言極諫及經優深可為師法詳明吏理達于教化等科委常叅官及方郡牧守各舉所知草澤無人舉者亦聽自舉限來年正月至上都五年正月十七日詔以兵戈未息權停

大中元年二月吏部宏辭舉人洩漏題目為御史臺

所劾侍郎裴諗改國子祭酒郎中周敬復罰兩月俸
料考試官刑部郎中唐扶出為虔州刺史監察御史
馮顓罰一月俸料其登科十人並落下 十二年三
月中書舍人李潘知舉于博學宏詞科陳琬等三人
及進詩賦論等召潘謂曰所賦詩中重用字何如潘
曰錢起湘靈鼓瑟詩有重用字乃是庶幾上曰此詩
似不及起乃落下

孝廉舉

貞觀十八年二月六日引汴廊諸州所舉孝廉賜坐
于御前上問以皇王政術及皇太子問以曾參說孝

經並不能答太宗謂曰自楚莊王以群臣莫逮退而
有憂色曰諸侯能自得師者王自謀而莫已若者亡
今以不穀之不德群臣言莫我逮我國能免于亡乎
朕發詔徵天下俊異終以淺近問之咸不能答海內
賢哲將無其人耶朕甚憂之

寶應二年六月二十日禮部侍郎楊綰奏請每歲舉
人依鄉舉里選察秀才孝廉勅令公卿以下集議中
書舍人賈至議曰揚綰所奏寔為正論然衣冠遷徙
人多僑寓士居鄉土百無一二今依古制恐取士之
道未盡今禮部每歲擢甲乙之科祇足長浮薄之風

僥倖之路矣其國子博士等望加員數十道大郡量
置太學令博士出外兼領郡官召致生徒依乎故事
保桑梓者鄉里舉焉在流寓者庠序推焉如此則青
青不復興剝擄由其歸本焉勅旨每州每歲察孝
廉取在鄉閭有孝弟廉恥之行薦焉委有司以禮待
之試其所通之學五經之內精通一經兼能對策達
于理體者並量行業授官其明經進士並停道舉亦
宜准此况所司作條件處分七月二十六日禮部侍
郎楊綰奏貢舉條
孝廉各令精通一經其取左氏傳公羊穀梁禮記周

禮儀禮毛詩尚書周易任通一經每經問義二十條
皆取旁通諸義務窮根本試格策三道問古今理體
及當時務要取堪取用者仍每日問一道頻三道日
畢經義及策全通為上第其上第者望付吏部便與
官其問義每三條通七策通二為中第與出身下者
罷之又論語孝經皆聖人深旨孟子亦儒門之達者
其學官望兼習此三者共為一經其試如上秀才舉
望令精通五經問義二十條對策五道全通者為上
第上第者送中書門下請超與處分問義十條通七
策通四為中第中第者送吏部與官下者罷之孝弟

力田但能熟讀一經言音典切即令所司舉送試通
使與出身其今年舉人或舊業既成理難速改或遠
州所送身已在途事須收獎不可中廢其今秋舉人
中有情願依舊舉業者亦聽今年之後一依新勅
旨進士明經置來日久今頓令改業恐難其人諸色
舉人宜與舊法兼行至建中元年六月九日勅孝廉
科宜停

開元禮舉

正元二年六月十一日勅開元禮國家盛典列聖增
修今則不列學科藏在書府使勅官者林于郊廟之

儀理家者不達冠婚之義移風固本合正其源自今
已後其諸色舉人中有能習開元禮者舉人同一經
例選人不限選數許習問大義一百條試策三道全
通者超資與官義通七十條策通兩道已上者不在
放限其有散官能通者亦依正官例處分至正元九
年五月二十日勅其習開元禮人問大義一百條試
策三道全通者為上等大義八十條已上策兩道已
上為次等餘一切並准三禮例處分仍永為常式
元和八年四月吏部奏應開元禮及學究一經登科
人等舊例據等第高下量人才授官近日緣校書正

字等名望稍優但需科第皆求注擬堅持員闕或至踰年若無科條恐長僥倖自今已後等第稍高文學無優者伏請量注校正其餘置開元禮人太常寺官有闕相當通經人國子監官闕相當者並請先授以備講討如不情願即通注他官庶各寔有名紀律可守其今年以前待闕人亦請依此條限使為常制勅旨依奏

三禮舉

正元五年五月二日勅王者設教勸學攸先生徒肄業執禮為本然則禮者務學之本立學之端居安之

大猷致理之要道姑務弘獎以廣儒風自今已後諸色人中有習三禮者前資及出身人科目選吏部考試白身衣貢舉吏禮部考試每經問大義三十條試策三道所試大義仍委主司于朝官學官中揀選精通經術三五人聞奏主司于同試問義策全通為上等特加超獎大義每經通二十五條以上策通兩道已上為次等依資與官如先是員外試官者聽依正貢例其諸館學生願習三禮及開元禮者並聽仍永為常式

長慶二年二月諫議大夫殷侑奏謹按春秋二百四十二年行事立之政人倫之紀備矣故先師仲尼稱志在春秋歷代立學莫不崇尚其教化伏以左傳卷軸文字比禮記多校一倍公羊穀梁與尚書周易多校五倍是以國朝舊制明經授散若大經中經能習一傳即放冬習然明經為學者猶十不一二今明經一例冬集人之常情趨少就易三傳無復學者伏思周公之微旨仲尼之新意史官之舊章將墜于地伏請置三傳科以勸學者左傳問大義五十條公羊穀梁各問大義三十條策三道義通七以上策通二

以上與及第其白身應者請同五經例處分其先有出身及前資官應者請准學究一經例處分及奏歷代史書皆記當時善惡係以褒貶垂裕戒其司馬遷史記班固范曄兩漢書音義詳明懲惡勸善垂于六經堪為代教伏惟國朝故事國子學有文史直者弘史館弘文生並試以史兩漢書三國志又有一史料近日以來史學多廢至于有身處班列朝廷舊章昧而莫知况乎前代之載焉能知之伏請置前併史料每史問大義一百條策三道義通七策通二以上為及第能通一史者請同立經三傳例處分其有出身

及前資官應者請同學究一經例處分有出身及前
資官稍優與處分其三史皆通者請錄卷聞特加獎
擢仍請頒下兩都國子監任生徒習讀勅旨宜依仍
付所司

童子

廣德二年五月二十四日勅孝弟力田科其每歲貢
宜停童子每歲貢者亦停童子仍限十歲以下者至
大曆三年三月二十五日勅童子舉人取十歲以下
者習一經兼論語孝經每卷誦文十科全通者與出
身仍每年令本貫申送禮部同明經舉人例考試訖

聞奏至十年十月二十五日勅童子科宜停開成三
年十二月勅諸道應薦萬言及朝廷設科取士門目
至多有官者合詣吏曹未仕者即歸禮部文詞學藝
各盡其長此外更或招延則為冗長起今以後不得
更有支薦俾由正路禁絕侍門雖有是命而以童子
為薦者比、有之

明法

正元二年六月勅明法舉人有能兼習小一經帖義
通者依明法例處分

唐會要卷第七十六

唐會要卷第七十七

推忠協謀佐理功臣光祿大夫守司空兼門
下侍郎同中書門下平章事暨修國史上柱

國太原郡開國公食邑二千戶寔封四百戶
臣王溥纂

科舉下

科目雜錄

弘文崇文生舉

崇玄生道舉附

論經義

諸使上

觀風俗使

巡察按察巡撫等使

科目雜錄

太和元年十月中書門下奏凡未有出身未有官如有文學祇合于禮部應舉有出身有官方合于吏部赴科目選近年以來格文差誤多有白身及散官并稱鄉貢者並赴科目選及注擬之時即妄論資次曾無格例有司不知所守其有宏辭拔萃開元禮學究一經則有定制然亦請不用在散試官限其三禮三傳一史三史明習律令等如白身並令國學及州府同明經一史三禮三傳同進士三史當年闕送吏部使授第二任官如有出身及有正官本是吏部常選

人則放於吏部不限選數應科目選仍須檢勘出身及授官無踰濫否緣取學藝其餘文狀錯繆則不在駁放限如考試登科並依資注與好官唯三史則超一資授官如制舉人暨諸色人中皆得選試則無出身無官人並可亦請不用散試官伏以散試偶于諸道甄錄處得便第二第三任官既用虛銜及授官則勝進士及諸色及第登科人授官寔恐僥倖勅旨依奏

大中十三年二月中書門下奏據禮部院貢見置科目內開元禮三禮三傳三史學究道舉明算童子等

九科近年取人頗濫曾無寔藝可採徒添入仕之門
須議條流俾精重業臣等已于延英面奏伏奉聖旨
將文字奏來者其前件九科臣等商量望起大中十
年權停三年滿後至將赴科試者令有司據所司人
先進名令中書舍人重覆問過如有本業稍通堪備
朝廷顧問即作等第進名候勅處分如事業荒蕪不
合送名而妄送者考官先議朝責其童子近日諸道
所薦送者多年齒已過考其所業又是常流起今後
望令天下州薦童子並須寔年十一十二已下仍須
精兼經旨全通兼自能書寫者知違條例本道長吏

亦宜議懲罰從之

咸通四年二月進士皮日休上疏請以孟子為學科
曰臣聞聖人之道不過乎經之降者不過乎史之
降者不過乎子之不異乎道者孟子也今國家有
業莊列之書者亦登于科其誘善也則深而懸科也
未正伏望命有司去莊列之書以孟子為主有能精
通其義者其科選視明經同疏奏不答

弘文崇文生舉

開元二十六年正月八日勅文弘文崇文生緣是貴
胄子孫多不專經業便與及第深謂不然自今已後

一依令式考試至天寶十四年二月十日弘文館學生自今已後宜依國子監學生例帖試明經進士帖經並減半雜文及策皆須粗通仍永為恒式

廣德元年七月二十六日勅弘文崇文兩館生皆以資蔭補充所習經業務須精熟楷書字體皆得正樣通者與出身不通者罷之

正元四年正月勅應補弘文崇文學生員闕至少請補者多就中商量須有先後伏請准建中三年十一月勅先補皇總麻已上親次及宰輔子孫仍于同類之內所用蔭先盡門地清華履歷要近者其餘據官

蔭高下類例處分六年九月勅本置兩館學生皆選勲賢胄

蓋欲令其議藝紹襲家風固非開此倖門

隳紊典教且令式之內具有條章考試之時理須精覆比聞此色倖冒頗深或假市門資或變易昭穆殊虧教化之本但長僥競之風未補者務取闕員已補者自然登第用蔭既已垂寔試藝又皆假人誘進之方豈當如此自今已後所司宜據式文考試定具升黜如有假貸並准法處分

太和七年八月九日勅弘文兩館生今後並依式試經畢日仍差都省郎官兩人覆試須責保任不得輒

許替代 九年十二月中書門下奏奉進士今減下
諸色入仕人其弘文館學生見定二十四人今減下
四人崇文館學生見定十六人今請減下一人勅三
日依奏

開成三年二月兩軍使狀稱請准太和元年五月十
七日以前勅文官階至品便許用蔭與子孫補兩館
生出身勅三日神策大將軍用蔭補兩館生宜准左
右金吾大將軍例處分

崇玄生 道舉附

開元二十五年正月十五日于玄元皇帝廟置崇玄

學令習道德經莊子文子列子待習成後每年隨舉
人例送名至省准明經考試通者准及第人處分其
博士置一員

天寶元年五月中書門下奏兩京及諸郡崇玄學生
等准開元二十九年正月制前件人合習道德經南
華通玄冲虛等四經又准天寶五年二月制改庚桑
子為洞靈真經准請條補崇玄學亦合習讀使准後
制合通玄經其洞靈真經人間少本臣近令諸親尋
訪道士全無習者本既未廣業寔難成并冲虛玄通
二經亦恐文字不足立教方闡學者宜精其洞靈等

三經望付所司各寫十本校定訖付諸道採訪使頒行其貢舉司及兩京崇立學生亦望各付一本今冬崇立學人望且准開元二十九年正月制考試其洞靈真經請待業成後准式從之二年三月十六日崇立生試及帖策各減一條三年業成始依常式七年五月十三日崇立生出身至選時宜減于常例一選以為留放十三年十月十六日道舉停習道德經加周易宜以來年為始至寶應三年六月二十日道舉宜停七月二十六日勅禮部奏道舉就停其崇玄生望付中書門下商量處分

大曆三年七月增置崇立生員滿一百建中元年二月中書門下奏准制崇玄館學生試日減策一道者其崇玄館附官見在者既同行事理今霑恩准策一道不可更減大義兩條從之

論經義

貞觀十二年國子祭酒孔穎達撰五經義疏一百七十卷名曰義贊有詔改為五經正義太學博士馬嘉運每稍摭之有詔更令詳定未就而卒永徽二年三月十四日詔太尉趙衛公長孫無忌及中書門下及國子三館博士弘文學士故國子祭酒孔穎達所選

五經正義事有遺謬仰即刊正至四年三月一日太尉無忌左僕射張行成侍中高季輔及國子監官先受詔修改五經正義至是功畢進之詔頒于天下每年明經依此考試

長安三年三月四門博士王元感表上尚書糾謬十卷春秋振滯二十卷禮記繩愆三十卷并所註孝經史記漢書請官給紙筆寫上祕閣制今弘文崇玄兩館學士及成均博士詳其可否弘文館學士祝欽明崇玄館學士李憲趙元亨成均博士郭山憚皆專守先儒章句先譏元感元感掎摭舊義不之屈唯鳳

閣舍人魏知古司封郎中徐堅左史劉知幾右史張思敬雅好異聞每為元感申理其義由是擢拜太子司議郎

開元七年三月一日勅孝經尚書有古文本孔鄭註其中二日趣頗多嗜駁精義妙理若無所歸作業用心復何所適宜令諸儒并訪後進達解者質定奏聞其月六日詔曰孝經者德教所先自頃已來獨宋鄭氏孔氏遺旨今則無聞又子夏易傳近無習者輔嗣注老子亦甚甄明諸家所傳互有得失獨據一說能無短長其今儒官詳定所長今明經者習讀若將理

等亦可並行其作易者並帖子夏易傳共寫一部亦
詳其可否奏聞時議以為不可遂停 四月七日左
庶子劉子玄上孝經註議曰謹按今俗所行孝經題
曰鄭氏註爰自近古皆云鄭即康成而魏晉之朝無
有此說至晉穆帝永和十一年及孝武帝太和元年
丹聚群臣共論經義有荀昶者撰集孝經諸說始以
鄭氏為宗自宋梁以來多有異論陸澄以為非玄所
註請不藏于秘省王儉不依其請遂得見傳于時魏
齊明立于學官著在律令蓋由庸俗無識故致斯訛
舛然則孝經非玄所註其驗十有二條據鄭自序云

遭黨錮之事逃難註禮党錮事解註古文尚書毛詩
論語為袁潭所逼來至元城乃註周易都無註孝經
之文其驗一也鄭玄卒後其弟子追論師註所述及
應對時人謂之鄭志其言鄭所著者惟有毛詩三禮
尚書周易都不言鄭註孝經其驗二也又鄭之日錄
記鄭之所註五經之外有中候書博士政論乾象曆
六藝論毛詩譜答臨寔難禮駁許慎異義發墨守箴
膏肓及答甄子然等書寸紙片莫不悉載若有孝經
之註無容匿而不言其驗三也鄭之弟子分授門徒
各述師言更不問答編錄其錄謂之鄭記唯載詩書

禮易論語其言不及孝經其驗四也趙商作鄭先生
碑銘具稱其所註箋駁論亦不言著孝經晉中經簿
周易尚書中候尚書文傳毛詩周禮儀禮記論語
凡九書皆云鄭註名玄至于孝經則稱鄭氏解無名
玄二字其驗五也春秋緯演孔苗云康成註三禮詩
易尚書論語其春秋孝經別有評論宋均于詩譜序
云我先師北海鄭司農則均是玄之傳業子弟也師
所著述無容不知而云春秋孝經唯有評論非玄之
所著于此特明其驗六也又宋均孝經緯註六藝論
叙孝經云玄又為之著司農論如是而均無間焉有

義無辭令余昏惑舉鄭而語云無聞其驗七也宋均
諱註云玄為春秋孝經畧疏非註之謂所言玄又為
之註者汎辭耳非事實序春秋亦云玄又為之註也
寧可復責以寔註春秋乎其驗八也後漢史書存于
代者有謝承薛瑩司馬彪袁宏等具為鄭玄傳者載
其所註皆無孝經其驗九也王肅孝經傳首有司馬
宣王之奏並奉詔令諸儒註述孝經以肅說為長若
先有鄭註亦應言及而不言鄭其驗十也王肅著書
發揚鄭短凡有小失皆在聖證若孝經此註亦出鄭
氏被肅攻擊最應煩多而肅無言其驗十一也魏晉

朝賢辨論時事鄭氏諸註無不撮引未有一言引孝經之註其驗十二也凡此證驗易為考覆而代之學者不察其寔乘彼謬說競相推舉諸解不立學官此註獨行于世觀夫言語鄙陋固不可示彼後來傳諸不朽至如古文孝經孔傳本出孔氏壁中語其詳正無候商確而曠代亡逸不復流行

開皇十四年秘書學士王孝逸于京市陳人取置得一本送與著作郎王邵以示河澗劉炫仍令按定而此書更無兼本難可依憑炫輒以所見率意刊改因著古文孝經稽疑一篇邵以為此書經文盡在正義

甚美而歷代未嘗置于學官良可惜也然則孔鄭二家雲泥致隔今綸旨發問校其短長愚謂孔行廢鄭于義為允又今俗所行老子是河上公註其序云河上公者漢文帝時人結草庵于河曲乃以為號所註老子授文帝因冲空上天此乃不經之鄙言流俗之虛語按漢書藝文志註老子者三家河上所釋無聞焉爾豈非註者欲神其事故假造其說耶豈如王弼所著義旨為優必黜河上公升王輔嗣在于學者寔得其宜又按漢書藝文志易有十三家而無子夏作傳者至梁阮氏七錄而有子夏易六卷或云韓嬰作

或云丁寬作然據漢書藝文志韓易有二篇丁易有八篇求其符會則事殊隳刺者矣歲越千齡時經百代其所著述沉翳不行豈非後來假憑先哲亦猶石崇謬稱阮籍鄭瓊濫名周寶必欲行用深以為疑臣竊以鄭氏孝經河上公老子二書訛舛不足流行孔王兩家寔堪師授每懷此意其願莫從伏見去月十日勅令所司詳定四書得失其狀聞奏臣等尋草議請行孔王二書牒禮部訖如狀為允請即頒行國子祭酒司馬正議曰今之孝經是漢河間王所得顏芝本至劉向以此本叅校古文省除煩惑定為此一十八章其註相承云是鄭玄所著而鄭志及目錄并不載故往賢共疑焉唯荀昶范曄以為鄭註故昶集解孝經具載此註而其序云以鄭為主事先達博選以此註為優其註縱非鄭氏所作而義旨敷暢將為得所其數處小有非穩寔亦非爽經通其古文二十二章先出孔壁先是安國作傳緣遭巫蠱世未之行荀昶集註之時尚有孔傳中朝遂亡其本近儒欲從古學妄作此傳假稱孔氏輒穿壁改更又偽作閨門一章劉炫詭隨妄稱其善且閨門之義近俗之語非宣尼之正說按其文云閨門之內具禮嚴矣親兄妻子

臣繇百姓徒役也是此妻子于徒役文句此鄙不合
典經又分庶人章從故自天子以下別為一章仍加
子曰二字然故者連上之辭既是章首不合言故古
人既忘後人妄開此等數以應二十二章之數非但
經文不真抑且傳習淺偽又註因天之時曰地之利
其畧曰脫衣就功暴其肌體朝暮從事露髮洗足少
而習其安焉此語雖傍出諸子而引之為注何言之
鄙俚乎與鄭氏所云分別五土視其高下高田宜黍
稷下田宜稻麥優劣懸殊曾何等級今議者欲取近
儒詭說殘經缺傳而廢鄭注理實未可望請准式孝

經鄭注與孔傳依舊俱行又注老子河上公蓋憑虛
立號漢史寔無其人然其註以養人為宗以無為為
體其辭近其理弘小足以修身絜誠大可以寧人安
國且河上公雖曰註書即文立教皆首嗣明近用斯
可知言矣王輔嗣雅善玄談頗深道要窮神用于索
籥守靜默于牝暢其旨微在于玄學頗是所長至若
近人立徵修身弘道則河上為得今望請王河二注
令學者俱行又按劉向七畧有子夏易傳但此書不
行已久今所存者多又真本又筍最中經簿云子夏
傳四卷或云丁寬所作是先達疑非子夏矣又隋書

經籍志云子夏傳殘缺梁時六卷今三卷是知其書
錯謬多矣無益後學不可將帖正經

五月五日詔曰間者諸儒所傳頗垂通議敦孔學者
冀鄭門之息滅尚今文者指左傳為誣偽豈朝廷並
列書府以廣儒術之心乎其河鄭二家可令依舊行
用王孔所注傳習者稀亦存繼絕之典頗加獎飾子
夏傳逸篇令帖易者停 十四年八月六日太子賓
客元行冲等撰禮記義疏五十卷成奏上之先是右
衛長史魏光乘上言今禮記章句踳駁故太師魏徵
更編次改注堪立學傳授上邊令行冲集學者撰義

疏將立學官行冲于是引國子博士范行恭四門助
教施教本檢討刊削及疏成右丞相張說駁奏曰今
之禮記是前漢戴德戴聖所編歷代傳習已向千年
著為經教不可刊削至魏徵孫奭始改舊本以類相
比有同抄書先儒所竟不行用貞觀中魏徵曰孫奭
所修更加釐改兼為之注雖加賞賜其書竟亦不行
今行冲等奉勅撰疏勒成一部欲與先儒義理章句
隔絕若欲行用竊恐未可上然其奏遂留其書貯于
內府竟不得立學行冲怨諸儒排已退而著論以自
釋也其年八月十四日上讀洪範至無頗以聲不協

韻因改頗為陂詔曰復思文皆物韻惟頗一字寔即不倫又周易中無平不陂稻文字亦有頗音陂之典頗訓詁無別為陂則文亦會意為頗則聲不成文應由煨燼之餘編簡遂缺傳授之際差舛相沿原始要終須有利革洪範無頗字宜改為陂庶使先儒之義去彼膏肓後學之徒正其魚魯仍宣示國學

天寶五載正月二十三日詔曰禮記垂訓篇目攸殊或未盡于通體是有垂于大義借如堯命四子所授惟時周分六官曾不繫月先王行令蓋取于斯苟分至之可言何弦望之足舉其禮記月令宜改為時令

其載二月二十四日詔曰朕欽承聖訓覃思玄經頃改道德經載字為哉仍隸屬上旬及乎廷議衆以為然遂錯綜真銓因成註解又孝經書疏雖粗發明幽顯無遺未能該備今更敷暢以廣闕文仍令集賢院具寫送付所司頒示中外

正元七年十二月秘書監包佶奏開元刪定禮記月令為時令其音及義疏並未刊正其開元禮所與月令相涉者請選通儒詳定從之

開元二年八月勅新加九經字樣一卷國子監卷定得覆定石經字體翰林待詔唐玄度狀伏准太和七

年二月勅覆定九經字體者令所詳覆多依司業張參五經字為准其舊字樣歲月將久畫點參差傳寫相承漸致乖誤今並依字樣書參詳改邪就正訖諸經之中別疑闕舊字樣未載者古今體異隸篆不同如總據說文即古體驚俗若近代之文字成傳寫乖訛今與校勘官同商較是非取其適中纂錄為新加九經字樣一卷或經典相承與字義不同者引文以註解今刊削成請附于九經字樣之末勅旨宜依

觀風俗使

自貞觀八年以後不置

貞觀八年正月二十九日詔曰昔者明王之御天下

也內列九卿允釐庶績外廷侯伯司牧黎元惟懼淳化來敷名教或替故有巡狩之典黜陟幽明行人之官存省風俗時雍之化率由茲道宜遣大使分行四方申諭朕心延問疾苦觀風俗之得失察政刑之苛弊務盡使乎之旨俾若朕親覲焉于是分遣蕭瑀李靖楊恭仁竇靜王珪李大亮劉德威皇甫無逸韋挺李襲譽張亮杜正倫趙智等巡省天下

巡察按察巡撫等使

貞觀十八年遣十七道巡察諫議大夫褚遂良諫曰臣以為自去年九月不雨經冬無雪至今年二月下

澤麥苗如似小可使人今出正是農時普天之下不能無事東州追掩西郡呼集兼復送迎使人供擬飲食道路違、廢于田種使人今猶未發時節如是小遲望更過今夏至來年正月初發遣書曰萬方有罪在予一人國家但得四方整肅何必耍須罪罰二十年正月遣大理卿孫伏玘等二十一人以六條巡察四方多所譽制太宗命褚遂良一其類具狀以聞及是親臨決等以下以能官進擢者二十人罪死者七人流罪以下免黜數百人儀鳳二年五月河南河北旱遣御史中丞崔鎰等分

道存問賑給侍御史劉思正上疏曰今麥序方秋蠶功未畢三時之務萬姓所先勅使撫巡人皆悚怍忘其家業冀此天恩踴躍卷迎必難抑止集衆既廣妨廢亦多加以逾程往還兼之晨夕停滯既緣賑給須立簿書本欲安存却成煩擾又無驛之處取馬稍難簡擇公私須先追集雨後農要特切常情暫廢須臾即虧歲計遂為一馬遂勞數家從此相承恐更滋甚望且委州縣賑給待秋後開時出使廢賑垂拱元年秘書省正字陳子昂上疏曰臣伏見陛下憂勞百姓恐不得其所將降九道大使巡察天下諸

州兼申黜陟以求人瘼臣竊以為未盡善也何以言之陛下所以降明使豈非欲天下黎元衆庶知陛下夙興夜寐憂勤念之陛下必若以此而發使乎則愚臣竊見陛下之使又未盡也若愚臣所請使者先常雅合時望為衆人所推慈愛足以恤孤惇賢德足以振拔幽滯剛直足以不避強禦明智足以照察奸邪然後使天下奸人畏其明而不敢為惡也天下強禦憚其直而不為過也天下英傑慕其德而樂為之用也天下孤寡賴其仁而欣戴其德也夫如是然後可以論出使故韜軒未動于京師天下翕然皆知矣

今陛下使猶未出朝廷行路市井之人皆以為非在朝廷之有職者亦不稱之天子之使未出魏闕朝廷之人皆以輕之何況天下之衆哉而欲黜陟求賢未可得也陛下所以有此失者在不選人亦輕此使非天下之任故陛下遂大失于此苟以出使為名不求任使之寔使愈出而天下愈弊使彌多而天下彌不寧其故何哉是朝廷輕其任也徒使天下百姓修飾道路送往迎來無益于聖教耳臣久為百姓實委知之臣願陛下與宰相更妙選朝廷百官素有威重名節為衆所推者陛下因大朝日親御正殿集百僚公

卿設禮儀以使者之禮見之告以出使之意遂授以
旌節而遣之先是京師而訪豺狼然後攬轡登車以
清天下若如是臣知陛下聖教不旬月之間天下家
見而戶聞也此之一使是陛下為政之大端諺曰欲
知其人先觀其所使不可不慎也若陛下必知不可
得其人不如不出使以煩數無益于化但勞天下之
人是猶烹小鮮而數撓之耳 四月六日尚書左丞
狄仁傑充江南安撫使吳楚多淫祠仁傑一切焚之
凡除一千七百所
天授二年發十道存撫使以右肅政御史中丞知大

夫事李嗣真等為之閣朝有詩送之名曰存撫集十
卷行于世杜審言崔融蘇味道等詩尤著焉

萬歲通天元年鳳閣舍人李嶠上疏曰陛下創置左
右臺分巡天下察使人善否觀風俗得失斯政途之
綱紀禮法之準繩無以加也然猶有未折衷者臣請
誠論之夫禁網尚踈法令宜簡則事易行而不煩
雜踈則所羅廣而無苛碎竊見垂拱二年諸道巡察
使料目凡四十四件至于別作格勅令訪察者又有
三十餘條而巡察使率是三月之後出都十一月終
奏事時限迫促簿書委積晝夜奔遠以赴限期而每

道所察文武官多至二千餘人少尚一千已下皆須
品量才行褒貶將安欲令曲盡行能則皆所不暇此
非敢惰于職而慢于官也實才有限而力不及耳臣
望量其功程與其節度使器周于用力濟于時然後
進退可以責成得失可以精覆矣

聖曆元年十月納言狄仁傑為河北河朔安撫使及
迴上疏曰臣聞朝廷識者以契丹作梗始明人之順
逆或有迫脅或有願從或授偽官或為招慰或兼外
賊或是土人跡雖不同心寔無別誠以山東強猛由
來重氣一顧之勢至死不迴近緣軍機調發傷重家

道悉破或至逃亡別屋賣田人不為售內顧生計四
避皆空重以官典侵漁固事而起當州役使十倍軍
機官私不矜期之必取枷杖之下痛切肌膚事迫情
危不修禮義愁苦之地不樂其生有利則歸且圖賒
死此乃君子之媿辱小人之常行今以負罪之位必
不在家露宿草行潛竄山澤赦之則出不赦則逃山
東辟盜因緣聚結臣以近塵雖起不足為憂中國不
安以此為事臣聞持大國者不可以小道理事廣大
者不可以苛細分人主恢宏不拘常法罪之則衆情
恐懼恕之則反側自然伏願曲赦河北諸州一無所

問自然人神通暢率土懽心

神龍二年二月勅左右臺內外五品上巳官識理道
通明無屈撓者二十人分為十道巡察使二周年一
替以廉按州部

景龍二年置十道按察使分察天下開元八年五月
復置十道按察使以陸象先生皎等為之

開元元年二月禮部侍郎張庭珪上疏曰天下至大
郡邑至多賢牧良宰識難盡得兼下僚貪暴下吏侵
漁黎庶不安窮困衆矣縱其發使廉問暫往速還假
申今寃却招後患各思始口無敢率心臣竊見國家

北置千道按察使不限年月懲惡勸善激濁揚清孤
窮獲安風俗一變伏望復下明制重選使臣秋冬之
後令出巡察自然貪吏望風懲革陛下視聽恒遍于
海內矣 三年三月勅巡察使出宜察官人善惡其
有戶口流散籍帳隱沒賦役不均者不務農桑倉庫
減耗者妖訛宿霄姦猶盜賊不事生業為公私蠹害
者德行孝弟茂才異等藏器晦迹堪應時用者並訪
察聞奏

興元元年正月詔令宜門下平章事蕭復充山南東
西荆湖淮南江西鄂州浙江東西福建嶺南等道宣

慰安撫使嗚呼徃率乃職敬敷朕命慰勉征戍勞來
困窮訪其所安察其所弊滯淹必達冤濫必申無憚
幽遠而不被無忽細微而不恤

正元八年八月詔曰朕以德薄托于人上勵精庶故
思 雍熙而誠不動天改或多闕陰氣作沴暴風荐
臻自江淮而及乎荆湘歷陳朱而施于河朔其間郡
邑連有水災城郭多傷公私為害損壞廬舍浸敗田
苗或親戚漂淪或資產沉溺言念于此當食忘食宜
令中書舍人奚陟徃江陵及襄郡隨復鄂申光蔡等
州左度子姚齊語姓陳宋亮穎徐泗濠等州秘書少

監雷咸徃鎮冀德隸深趙等州京兆少尹常武德揚
楚廬潤壽滌蘓常湖等州宣撫應諸州百姓因水不
能自存者委宣撫使賑給死者各加賜物在官為收
理埋瘞其田苗所損委慰撫使與所在長吏速是聞
奏於戲一夫不獲一物失所刑罰不中賦役不均皆
可以失陰陽之初致雨旱之沴繫囚攻獄訴久不決
者委所在長吏即與踈變務從寬簡俾絕冤滯貪官
暴吏苛法害公特加懲罰用明典憲災傷之後切在
撫綏咨示方鎮之臣泊乎守宰咸宜悉乃心力以恤
凶災宣布朕懷使各知悉 永正元年八月詔曰理

天下者先修其國，命之重寄在方鎮。方鎮共理寔
准列城為政，繫于屬縣。然則一夫之耕，匹婦之織，積
微方著，以供國課。永為蒸庶厥惟難哉。頃年以上准
租賦役，乃權稅委在藩服，使其均平。

太上皇君

臨之初務，從省便。遂令今使府歸在中朝，或恐巡按
院既多職，因交替新制，未立舊綱。已紊况河汴而東，
瀕海之右，名都與壤，疆理接連。如或徵賦不均，徵輸
難濟，物輕貨重，法弊人勞。又開江淮數道，比憊時雨，
深憂黎庶之不足，軍國之缺供。政有所不宣，事有所
未便。牧宰有課績，官更有減否爰使，臣申我休命。

宜令度支及諸道鹽鐵轉運戶部侍郎兼御史大夫
潘孟陽專往宣諭慰安疲毗。詢訪使益蠲際疾苦安
人利國稱朕意焉。

元和四年正月，以左司郎中鄭敬使湖南，宣歙吏部
郎中崔元使浙東，司封郎中孟簡使山南東道，荆南
湖南京兆少尹襄武使江西鄂岳等道，宣撫將行。並
召對上告之曰：朕宮中用度一匹以上，皆有簿曆推
拯救百姓，則不計所費。為鄉等今者賑恤災旱，當勤
于奉職，勿如潘孟陽所到務飲酒遊山寺而已。仍許
敬等以便宜行事，以孟簡獨衣綠，遣使追賜緋袍銀。

魚

十四年二月潘清都知兵馬使劉悟斬逆寇李師道
淄青兗鄆等十二州平詔戶部侍郎楊于陵于本官
充淄青等州宣撫使

唐會要卷第七十七

唐會要卷第七十八

推忠協謀佐理功臣光祿大夫守司空兼門

下侍郎同中書門下平章事暨修國史上柱

國太原郡開國公食邑二千戶寔封四百戶

臣王溥纂

諸使中

黜陟使

採訪處置使

五坊宮苑使

皇城使

元帥

都統

節度使

副使

親王遙領節度使

宰相遙領節度使

諸使雜錄上附奏薦

黜陟使

貞觀八年將發十六道黜陟大使畿內未有其人王
問房玄齡此道事最重誰可充使尚書右僕射李靖
曰畿內事有非魏徵莫可上曰朕今欲向九成宮亦
不小朕每行不欲與其相離者廼為其見朕是必無
所隱乃令李靖充使二十年遣大理卿孫伏伽等以
六條巡察四方黜陟官吏開元二十二年四月二十
一日遣使以崔翹等為之天寶五載七月遣使以度
豫等為之至德二載十二月遣使以號王等為之建
中元年正月制諸道宜分遣黜陟使觀風俗問疾苦

自艱辛以來徵賦名目繁雜委黜陟使與諸道觀察
使刺史計資產作兩稅法比來新舊徵科色目一切
停罷兩稅外輒別配率以枉法論乾元三年與採訪
使並權罷至是復有之自建中已後至今未嘗置初
司封郎中韋正為山南黜陟使薦興鳳兩州團練使
嚴震理行為山南第一特賜上下考封鄖國公在鳳
州十四年能攻不替

採訪取置使宰相張九齡奏置

開元二十二年二月十九日初置十道採訪取置使
以御史中丞盧絢等為之至三月二十三日諸道採

訪取置使華州刺史李商隱等奏請各使置印許之
二十五年十二月二十四日命諸道採訪使考課官
人善績三年一奏永為尚式至二十七年二月七日
赦文三載考績黜陟幽明允叶大猷以勸天下比來
諸道所通善狀但優仕進之輩與為選調之資責寔
徇名或乖古義自今已後諸道使更不須善狀每三
年朕常自擇使臣觀察風俗有清白政理著聞者當
別擢用

二十六年三月勅諸道採訪使判官等自今已後並
須首末經三年其緣事故停不得滿年限者承優節
文準開元二十四年二月十九日勅處分二十九年
七月勅採訪使等所資按部恤隱求瘼巡撫處多事
須周細不可忽遽徒有往來亦宜準刺史例入奏

天寶九載三月十二日勅本置採訪使令舉大綱若
大小必由一人兼理數郡自今已後採訪使但察訪
善惡舉其大綱目餘郡務所有奏請並委郡守不須
干及

十二載二月河南道採訪取置使河東郡太守李愷
河南道採訪處置使陳留郡太守王濬等奏請依舊
通前置兩員文使望以周載許依元勅酬功處分勅

諸道準此點中道各一人宜依舊定

乾元元年四月十一日詔曰近緣狂寇亂常每道分置節度其管內緣徵遣及文牒兼使命來往州縣命非不艱辛仍知加採訪轉益煩擾其採訪使置來日久并諸道黜陟使便宜且停待後當有處分其年改為觀察使

大曆十二年五月中書門下奏開元末置諸採訪使許其專停刺史務廢置由已請自今已後刺史有犯贓等色本道但具狀聞奏不得輒追赴使及專擅停務差人權攝其刺史亦不得輒詣使出界先聞奏皆

按常刑

五坊宮苑使

五坊謂鵬鵠鷹鷄狗共為五坊宮苑舊以一使掌之自寶應二年後五坊使入隸內宮苑使近又有閑廐使兼宮苑之職焉

開元十九年金吾將軍楊崇慶除五坊宮苑使其後來曜牛仙客李元裕韋衢章仇兼瓊王鉷呂崇賁其輔國彭體盈藥子昂等為之

大曆十四年五月詔鷹隼豹豸獾犬皆放之時以永徽已來單國累馴象三十有二皆養于禁中有善舞

者以備元會元庭之飾曰是于鷹隼之類同放之

元和二年六月初五坊戶諸色影占者多宜令府縣
牧管

三年七月五坊品官朱超晏王志忠放縱鷹隼入常
安富人家旋詣其居廣有求取上知之立召二人各
笞二十奪其職自是貢鷲鳥畧大者皆斥之正元末
五坊小兒張捕鳥雀于閭里者皆為暴橫以取人錢
物或有張羅網于門不許人出入者或以張井上使
不得汲者近之輒曰汝鷲供奉鳥雀即痛毆之出錢
物求謝乃或相聚飲食于酒肆醉飽而去賣者或不

知就索其直多被毆詈或時留地一囊為質田此地
所以鳥雀而捕之者今留付汝幸善飼之勿令飢渴
賣者媿謝求哀乃携挈而去憲宗在春宮時知其弊
嘗欲奏禁之及即位遂推而行之人情大悅

十三年十月上怒五坊使楊朝汶追捕平人命殺之

事具宰相
忠諫門

皇城使

天祐三年閏十二月皇城使奏伏以皇城之內咫尺
禁園伏乞準元勅條流鼓聲絕後禁斷之人行近日
軍人百姓更點動後尚恣夜行特乞再下六軍止絕

從之

元帥

武德元年六月七日秦王世民加西封元帥上元三年三月相王旦除涼州道元帥周王亨除洮河道元帥昇儲後至聖曆元年九月又除河北道

元帥亦稱天罰道元帥大足元年六月相王旦除安北道行軍元帥至長安二年九月又除并州道行軍元帥自後親王為帥者甚多其元帥之號自武德已來唯王始拜至天寶十五載正月哥舒翰除諸道兵馬元帥始臣下為之乾元二年三月郭子儀除山南

東道拜河南道諸道節度防禦兵馬元帥後上元二年七月李光弼除淮南河南淮西山南東道荆南五節度元營元帥此元並副元帥也

至德元年以廣平王為天下兵馬元帥統大軍東征以郭子儀為副

其載九月吏部尚書平章事房琯抗請兵一萬人自為元帥以收兩京詔許之以兵部尚書王思禮為副分為三軍使揚希文將南軍自宜壽入劉貴總將中軍自武功入李光進將北軍自奉天入而琯以中軍為降帥次使橋二軍先遇賊戰于陳濤王師敗績時

瑄以車二千乘以馬步夾之為乘車之戰賊順風揚塵鼓噪牛皆振駭因縛草縱火焚之人畜大亂故敗瑄自將南軍又戰不利楊希文劉貴慙降于賊瑄幕府偏裨等奔赴行在肉袒諸罪詔並宥之

四載九月以舒王謨為揚州大都督持節充荆南襄江兩鄂等道節度諸軍行營兵馬都元帥仍賜名誼改封晉王大開幕府文武僚屬之盛前後出師未見其比

天福三年三月以輝王祚為諸道兵馬元帥其年十二月十三日勅國史所書元帥之任並以天下為名

乃自近年談為諸道宜却復為天下兵馬元帥

都統

乾元元年十二月戶部尚書李峘除都統淮南江東江西節度宣慰觀察處置等使都統之號始于此上元二年八月李若幽除戶部尚書充朔方鎮西北庭興平陳鄭等九節度行營裨馬及河中節度都統處置使

建中元年十二月以汴州節度使李勉充河南汴州宋滑亳河陽等道都統使

元和四年九月以邠寧度三州節度高崇文充西京

都統

大中五年五月以特進守司空兼門下侍郎平章事
白敏中充邠寧節度使招討南山平夏党項兵馬都
統取置等使

元和四年九月以宣武軍節度韓弘充淮西諸軍行
營兵馬都統

乾符五年黃巢大掠江淮宰相王鐸進奏曰臣忝宰
執之長在朝不足分陛下之憂願自帥諸軍盪滌群
寇朝議然之乃拜守司空平章事荆南節度使諸道
行營兵馬都統其年以鎮海軍節度使高駢為諸道

行營兵馬都統

中和二年復以宰相王鐸為京城四面諸道行營兵
馬都統以崔安潛副之至大順元年五月以宰臣張
濬為京東北面兵馬都統

節度使海軍使附

武德元年因隋舊制呼為大總管其年六月七日諸
州總管加號使持節至七年二月十八日改大總管
為大都督

貞觀三年八月李靖除定襄道行軍大總管貞觀三
年已後行軍即稱總管本道即稱都督永徽已後除

都督帶使持節即是節度使不帶節者不是節度使
景雲二年四月賀拔延嗣除涼州都督充河西節度
使此始有節度之號遂至于今不改焉

朔方節度使開元元年十月六日勅朔方行軍大總
管宜準諸道例改為朔方節度使其定遠豐安軍西
中城單于豐勝靈夏鹽銀匡長安樂等州並受節度
至十四年七月除王朮帶關內支度營田等使十五
年五月除蕭嵩又加鹽池使二十年四月除牛仙客
又加押諸蕃部落使二十九年除王忠嗣又加水運
使天寶五載十二月除張齊丘又加管内諸軍採訪

使已後遂為安額豐安軍在靈州黃河西去郡一百
八十里

定遠軍在靈州北二百里先天二年正月郭元振置
貞觀十三年三月十五日置朔使以護突厥

即舊朔方
節度之號

河東節度使開元十一年以前稱天兵軍節度其年
三月四日改為太原已北諸軍節度至十八年十二
月宋之悌除河東節度已後遂為定額大同軍置在
朔方州本大武軍調露二年裴行儉改為神武軍天
授二年改為平伏軍大足元年五月十八日改為大
武軍開元十二年三月四日改為大同軍橫塞軍初

置在飛狐復移于蘄州開元六年六月二十三日張嘉正移于右代郡大安城南以為九姓之授天寶十三載十二月一日改為大德軍岢嵐軍武德中為鎮永淳二年改為柵隸平狄軍長安三年李迥秀改為軍張仁置移軍朔方留一千人充守捉屬大武軍開元十二年崔隱甫又置軍十五年李暉又廢為鎮其後又改為軍

天兵軍聖曆二年四月置大足元年五月十八日廢長安元年八月又置景雲元年又廢開元五年六月二十四日張嘉正又置十一年三月四日改為太原

已北諸軍節度使

清塞軍正十五年四月以清塞城為軍

開元九年十一月四日一河東河北不須別置支度並令節度使自支度

隴右節度使開元元年十二月鄯州都督陽矩除隴右節度自此始有節度之號至十五年十二月除張志亮又無經畧之度營田等使已後為定額臨洮軍置在狄道縣開元七年移洮州縣就此軍焉

河源軍置在遼州東西又云本道充國亭侯也白水軍開元五年郭知運張懷亮置

安人軍置在星宿州鄆州西北界開元七年三月置
積右軍置在廊州達化縣西界本吐谷渾居地貞觀
三年吐谷渾叛置靜邊鎮儀鳳二年置軍額焉

英門軍置在洮州儀鳳二年置軍開元十七年洮州
移隸臨軍百姓隸岷州置臨州二十年七月又改為
洮州今為臨洮軍是也

振武軍置在鄆州鄆城縣西界吐蕃鐵仞城亦名石
堡城開元十八年三月二十四日信安王拔之置四
月改為鎮振武軍二十九年十二月六日蓋嘉運不
能守遂陷吐蕃天寶八年六月哥舒翰又拔之閏六

月三日改為神武軍威戎軍置在鄆州界開元二十
六年五月杜希望收吐蕃新城置北軍鎮西置在河
州開元二十六年八月置

神策軍天寶十三載七月十七日隴右節度哥舒翰
以前年收黃河九曲請分其地置洮陽郡內置軍焉
以成如為璆為太守克神策軍使去臨洮軍二餘里
宛秀軍同前年分九曲置澆河郡內置軍焉以臧奉
忠為太守克軍使保義軍元和元年二月改隴右經
畧使為軍

河西節度使景雲二年四月賀拔廷嗣為涼州都督

充河西節度使自此始有節度之號至開元二年四月徐陽執一又兼赤水九姓本道支度營田等使十一年四月勅張敬忠又加經畧使十二年十月除王君奩又加長行轉運使自後遂為定額也

赤水軍置在涼州西城本赤烏鎮有泉水赤因以為名武德二年七月安修仁以其地來降遂置軍焉軍之大者莫過于此

新泉軍大足元年郭元振奏置開元五年故為守足使天斗軍本是守足使開元十六年改為天斗軍焉建庫軍置在甘肅二州界證聖元年王孝傑開西鎮

廼以兩州界閣遠置此軍焉

寧寇軍舊同在城等定捉天寶元年五月五日遂置焉

王門軍本廢王門縣開元六年置軍焉

墨離軍本是月支舊國武德初置軍焉

豆盧軍置在沙州神龍元年九月置軍

白亭軍天寶十四年正月三日置

開元十四年三月二日勅河西長安行轉運九姓即隸入支度使宜加之度判官一人

安西四鎮節度使開元六年三月楊嘉惠除四鎮節

度經畧使自此始有節度之號十二年已後或稱磧
西節度或稱四鎮節度至二十一年十二月王斛斯
除安西四鎮節度遂為定額又先天元年十一月史
獻除伊西節度兼海軍使自後不改至開元十五年
三月又分伊西北庭為兩節度至二十九年十月二
十九日移隸伊西北庭都屬四鎮節度使至天寶十
二載三月始以安西四鎮節度封常清兼伊西北庭
節度瀚海軍使

伊吾軍本昆吾國也置在伊州景龍四年五月置
天山軍置在西州漢車帥前王故國地形高敞改名

高昌貞觀十四年置瀚海軍置在北都護府木鳥孫
王竟也貞觀十四年置庭州文明元年廢州置烏長
安二年十二月改為燭龍軍三年郭元振奏置瀚海
軍大軍並在碎葉城范陽節度使先天二年二月甄
道一除幽州節度經畧鎮守使至開元十五年十二
月除李尚隱又帶河北支度營田使二十七年十二
月除李適之又加河北海運使天寶元年十月除裴
寬為范陽節度使經畧河北支度營田河北海運使
已後遂為定額

經畧軍置在范陽城內延載元年置

漁陽軍在幽州北盧龍右塞開元十九年九月十七日改為靜塞軍清夷軍垂拱二年媯州刺史鄭崇古奏置威武軍大足元年置在檀州開元十九年九月二十七日改為威武軍北平軍在定州西三里

恒陽軍恒州郭下

高陽軍本瀛州開元二十年移在易州

唐興軍在莫州

橫海軍在滄州並開元十四年四月十二日置各以刺史為使

懷柔軍在蔚州界先天元年八月八日置

鎮安軍正元二年四月二十二日于燕城守捉置

懷遠軍在故遼城天寶二年二月安祿山奏置焉

平盧軍節度使開元七年閏七月張敬忠除平盧軍節度使自此始有節度之號八年四月除許欽琰又帶管内諸軍諸蕃及支度營田等使二十八年二月除王斛斯又加押兩蕃及渤海黑水等四府經畧處置使遂為定額

平盧軍在柳城本在遼西之地

盧龍軍置有北平郡古孤竹國天寶二年置

開元十三年三月二十日勅平盧軍幽州太原朔方

河西隴右劍南等七道節度使宜各置木契行勘
劍南節度使開元五年二月齊景胃除劍南節度使
支度營田兼姚雋等州處置兵馬使因此使有節度
之號至八年除李濬始下兼兵馬使二十七年章仇
兼瓊又兼山南西道採訪使其彼或兼或不兼無定
制至上元二年二月分為西川廣德二年正月八日
為合一道大曆二年正月二十日又分為兩州至今
不改正元十一年九月韋皋為節度就加統押近界
諸蠻兼西山八國雲南安撫等使
天寶軍置在雍州開元二十九年置

洪源軍置在黎州

漢黎郡也開元三年置

軍昆明軍置在雋州開元十七年十一月置

嶺南節度使至德二年正月賀簡進明除嶺南五府
經畧兼節度使自此始有節度之號已前但稱五府
經畧自此定額又云杜佑為嶺南節度使德宗興元
朝廷故事執政往，忌舊日嶺南節度常兼五管經
畧使佑獨不兼蓋一時之誤其後遂不帶五管畧名
日至咸通三年五月分為南節度以廣州為嶺南東
道邕州為嶺南西道

清海軍天寶元年置在思州

柔遠軍正元七年三月二十三日置

淮南河南江東道乾元二年三月六日置節度使

鎮州節度使大曆十四年四月名其軍曰成德至天

祐二年九月改為武順汴宋亳節度使建中三年二

月二日名其軍曰宣武

浙江節度使建中二年六月浙江東西節度使尋改

為鎮海軍以團練為節度徙理潤州元和五年十一

月團練使奏舟陽軍北回置節度改為鎮海今請依

前置鎮海軍從之

滑州節度使正元元年正月罷滑州永平軍其年四

月名其軍曰義成淮西節度使正元二年二月改淮

西節度為淮寧軍

申光蔡等道節度使正元十四年正月名其軍曰彰

義易定節度使正元十五年三月滿城縣置永清軍

建中三年五月名其軍義武

安黃節度使正元十九年二月名其軍曰奉義

陳許節度使正元二十年四月名其軍曰忠武

徐州節度使正元二十一年三月名其軍曰武寧至

咸通四年四月降為支度郡隸兗州至十一年十一

月改為感化軍

劍南節度使元和二年二月改天威軍名曰天征軍
荆南節度使元和六年八月勅制荆南是賦稅之地
與關右諸鎮及河南河北有重兵處體例不同節度
使之外不合更置軍額目循已久煩弊寔深綬所請
停永安軍額宜依其合收錢來委嚴綬于當府諸縣
蠲除不支濟人戶均減訖聞奏

天平軍節度使元和十四年三月平李師道以所管
十二州分三節度焉總為天平軍節度王遂為兗海
沂密節度薛為平盧軍節度仍加押新羅渤海兩蕃
使仍舊為平盧軍賜兩蕃使印一面

河陽節度使會昌四年十月平積以河陽三城鎮還
使為孟州號河陽軍額憚二州隸焉

歸義軍節度使大中五年八月沙州刺史張義潮以
瓜沙伊肅等十一州戶口來獻自河隴陷蕃百餘年
至是悉獲故地乃以沙州為歸義軍授義潮節度使
戎昭軍節度使天佑二年九月以金用置軍額三年
四月復以為州

義昌軍節度使太和五年正月以滄景德州號義昌
軍

山南東道節度使乾元元年置節度元和十年十月

分為兩節度以戶部侍郎李遜為襄復郢等節度使
右羽林大將軍高霞寓為鄧等州節度使景雲二年
正月二十九日勅諸寧持節度除緣兵馬外不得別
理百姓訢訟事元和六年十月詔曰朕于百執事群
有司方澄源流以責寔效其諸道都團練使足修武
備以靜一方而別置額軍曰加吏祿亦既虛設頗為
浮費思去煩以循本期省事以便人潤州鎮海軍宣
州採石軍越州義勝軍洪州南昌軍福州靜海軍等
使額並宜停所收使以下俸料一事以上各委本道
充代百姓闕額兩稅仍具數聞奏庶我愛人之心不

至于惜費立制之意以在其正名

十三年二月襄陽節度使李勣奏請判官大將已下
一百五十員上不悅謂裴度曰李勣誠立奇功然奏
請過當遂留中不下其年七月詔曰事關軍旅並屬
節制務繫州縣悉歸察廉二使所領十曰管轄諸道
度支營田承前各別置使自艱虞以後各置因循方
鎮除授之時或有兼帶此職遂領綱目所在各殊今
者務修舊章思一法度去煩就理衆心為正唯別置
營處其使且令仍舊其忠武鳳翔武寧魏博山南東
南橫海邠寧義成河陽等道度支營田使及淮南度

支近已定省其餘諸道並準此處分初景雲開元節
度度支營田等使諸道並置又一人兼領者甚少艱
難以來優寵節將天下擁旄者常不下三十人例銜
節度度支營田觀察使其邊界藩鎮增置名額者又
不一前後六餘年雖嘗增減官員及使額而支度營
田以兩河諸將兼領故朝廷不議停廢至是群盜漸
息宰臣等奏罷之

乾符三年以宰臣鄭從讜為北京留守河東節度使
詔許自擇賓佐

親王遙領節度使

貞觀二年正月蜀王恪除使持節大都督益綿邛綾
眉雅等八州諸軍事益州刺史越王泰除使持節大
都督揚州常和潤楚舒廬濠壽歙蘇杭宣東睦南和
等十六州諸軍事揚州刺史

開元四年正月二十九日剡王嗣直除安北大都護
充安撫河東關內隴右諸蕃部落大使陝王嗣昇為
西都護仍充河西道及四領諸蕃部落大使安北大
護張知運為副都護親王遙領節度自茲始也其在
軍節度即稱節度副大使知節度事十五年五月以
慶王渾為涼州都督兼河西節度大使忠王俊為單

于大都護朔方節度大使隸王洽為太原已北諸軍
節度大使鄂王洎為幽州都督河北節度大使營王
滉為京北牧隴節度大使光王浚廣州都督五府節
度大使儀王濰河南牧隸王雲安東都護平盧節度
大使永王澤荊州大都督壽王法益州都督劔南節
度大使延王泗安西大都護磧西節度大使盛王沐

揚州大都督

建中元年八月以舒王諲為涇原節度大使
正元四年七月以處王諒為光隨察節度觀察大使
七年七月以邕王諒為義武軍節度易定等州觀察

使

九年十二月以通王檢名不獲為宣武軍節度使

十年七月復以邕王諒為昭義軍節度使

十一年五月復以通王為河東節度大使北都留守
十六年九月以開府儀同三司處為王諒為除州節
度大使觀察支度營田等使

元和二年八月以建王審為鄆州大都督平盧節度
觀察等使陸運海運押新羅兩蕃等使

九年三月以遂王宥開府儀同三司克彰義軍節度
管內營田申光蔡等州觀察處置等使

寶曆元年十二月以晉晉王為昭義軍節度副大使
知節度事以劉悟子前將作監主簿從諫為節度劉
後

太和八年十二月以通王為幽州經畧盧龍軍節度
副大使知節度事以勾當幽州兵馬元忠為留後
開成五年十二月以福王綰開府儀同三司行魏州
大都督充魏博等州節度觀察處置等使

會昌二年正月以撫王絃開府儀同三司行幽州大
都督充幽州盧龍軍節度觀察處置押奚契丹兩蕃
經畧盧龍軍等 四年十一月以皇子鄂為開府儀

同三司朔方軍節度副大使知節度事時以党項叛
命故以親王制之

大中十一年以昭王訥為開府儀同成德軍節度副
大使知節度事以佐司馬王紹知成德軍兩使留後
咸通十年十二月以蜀王佶為開府儀同三司劍南
西川節度副大使知節度使以盧耽知西川事

乾符四年正月以壽王傑為開府儀同三司幽州經
畧盧龍軍節度副大使知節度事以李可舉知幽州
兵馬事

宰相遙領節度使

開元十五年十一月兵部尚書河西節度副大使知節度事蕭嵩除同中書門下平章事節度如故宰相遙領節度使自茲始也至二十六年正月中書令李林甫遙領隴右節度天寶十載十一月揚國忠又遙領劍南節度蕭嵩以牛仙客為留後李林甫以杜希望為留後揚國忠以蔡崔圓為留後

諸使雜錄上 奏薦附

貞觀元年四月發道諸簡點使盛亨三年十二月領下簡點格其年五月十一日勅中書門下兩省供奉官及尚書省御史臺見任郎官御史自今已後請便

不得奏請保使永為常式二年三月十一日開內道覆囚使邵師德等奉辭上謂曰州縣諸囚未斷甚廢田作令遣爾等徃徃之非遣殺之無濫刑也至開元十年十月宇文融除殿中侍御史充覆囚使儀鳳二年十二月二十七日詔宜令開內河東簡練有膂力雄果者即以猛士為名

三年正月二十五日遣左金吾將軍曹懷舜李知十等分徃河南河北以募猛士

萬歲通天元年九月令山東近境州置武騎團兵至聖曆元年臘月二十五日河南河北置武騎團以備

點啜每一百五十戶共出兵十五人馬一足

先天二年正月十五日詔往者計戶充兵使二十二

人募六十出軍既憚劬勞咸欲匿不有釐革將何理致

天下衛士取年二十五已上充十五年放出頻經征

鎮者十年放出自今已後羽林飛騎先于衛士中間

擇

長壽三年正月許諸州大都督及上州刺史大都督

府長史諸軍經畧鎮守大使一子為宿衛官

開元十年六月七日勅支度營田若一使專知宜同

為一額共置判官兩人十一年二月二十九日勅同

華兩州精兵所出地資輦轂不合外支自今已後不得取同華兵防容其休息

二十一年正月二十四日勅令百寮尋勝因置檢校

尋勝使以厚其事天寶七載十一月給事中楊釗充

九成宮使其使及水炭使並是岐州刺史勾當入釗

錢物召幕劍南健兒兩京太倉嘉倉出納

召幕河西隴右健兒催諸道租庸等使蘇氏駁曰九寺三監東宮三寺十二衛及京兆河

南府是王者之有司各勤所守以奉職事尚書舊

章立程度以頒之御史臺按格今採姦濫以繩之

中書門下立百司之體要察群吏之能否善績著

而必進敗德聞而且貶政有恒而易為守事歸本
而難夫經遠之理拾北奚據拍姦臣廣言利以邀
思多立使以示寵尅小民以厚歛張虛數以獻狀
上心蕩而益人望怨而成禍使天子有司守其位
而無其事受厚祿而虛其用宇文融首昌其端揚
奢于其銜繼遵其軌揚國忠成其亂仲尼云寧有
盜臣而無聚斂之臣誠哉是言前車既覆後轍亦
改求化本不亦難

十二載十二月二十二日左相陳希烈充秘書省圖
書使

十四載十一月安祿山叛命諸州當賊衝者始置防
禦使至寶應元年五月十九日停諸州防禦使

乾元二年七月九日勅宜令御史大夫充曠騎使令
御史克判官廣德二年九月以太子詹事李峴為江
南東西及福建等道知選事并觀農宣慰使

大曆十二年五月十日中書門下狀奏諸州團練守
捉使請一切並停其刺史日有持節諸軍旅司馬即
同副使之任其判司既帶參軍事望今司兵判兵司
按司倉判軍糧按司事判甲伏案具兵士量險隘召
募謂之健兒給春冬衣并家口糧當上百姓名曰團

練春秋歸冬夏追集曰給一身糧及醬菜其月十一日諸道先置上都留後使宜令並改為上都進奏縣官十三日諸道觀察都團練使判官各置一人支使一人推官一人餘並停

十四年二月四日勅請都諸道上都知進奏院官自今已後並不須與正官

六月一日勅郎官御史充使絕本司務者宜改與檢校及內供奉裏行其月五日勅御史中丞董晉中書舍人薛蕃給事中劉廸宜充三司使仍取右金吾廳一所充使院并于西朝室置幕屋收詞訟至建中二年停

後不常置有火獄即以刑部員外郎御史大理寺官為之次疑獄謂之三

建中二年正月二十五日潭開宜依舊置防禦使

二月十八日勅置京畿觀察使以御史袁高充使

三年九月九日御史中丞楊瑱奏見任官或被諸司不奏使移文牒充判官伏請自今已後應見任州縣正官不丞制勅差補不得輒離任勅旨依焉

其月二十三日停建中元年四月一日門下侍郎楊炎充刪定格式使

五月刑部侍郎蔣况充副使二年七月中書侍郎張

鎰與盧杞同充格式使宜令刑部長官知其使停
正元三年三月二十三日勅杜亞宜兼充管内營田
使其楚州營田使宜停四年二月勅諸道幕府判官
及諸軍將比奏改官例多越超應從散慢入清望官
並折資處分

十三年六月勅劔南西山運糧使檢校戶部員外郎

韋肇兼御史大夫

員外兼大夫新例

十四年六月罷宣歙池三州鄂岳沔三州都團練觀
察使陝虢西州都防禦觀察使以其地分隸諸道置
東畿觀察以留臺御史中丞焉

十六年十二月勅諸道觀察都團練防禦及支度營
田經畧招討等使應奏副使行軍判官支使叅謀掌
書記推官巡官請改轉臺省官宜三周年以上與改
轉其緣軍務急功事跡殊常即奏聽進旨

元和二年正月鄂岳等州觀察使呂元膺奏新妹婿
京兆府縣陽尉馬絳授試大瑤評事充當北觀察支
度使為憲同所劾密親佐幕有虧與法勅諸使府叅
佐檢校釋元膺之罪時咸非之

七年七月勅諸使府叅佐檢校應試官員日計如是
五品已上官及臺省官經三十箇月外任奏與改轉

餘官經三十六箇月奏改如經考試有故事故及停替官本限之外更加十箇月即任申奏從之

十三年二月浙東觀察使孟簡授代詔書到日授故事署留後而行及常州堂牒勒還舊鎮待割使事而後行初李修授浙西觀察使中謝日請留所替以待交割使事至是固舉為非舊制也

十三年七月以宣歙觀察使事至事曰舉王遂為淄清四面行營供軍使

其年九月詔諸道新授節度觀察經畧等使自勅出後使未到以前或前使尚在本鎮或已發差知劉務

軍等官其軍府職員多停省改易自今已後切令禁止縱先有此色新使道到並令仍舊

十四年二月詔諸道節度使團練都防禦經畧等使所管諸郡除本州軍事外別置鎮遏守提兵馬者並令屬刺史等本州團練 禦鎮遏等使其兵馬名

額便隸此使如無別使即屬軍事其有邊于溪洞接連蕃蠻之處建城鎮不關州郡者即不在此限難

來天下有軍如將之權尤重遂于所管州郡

其月山南東道觀察使孟簡舉均州鄖鄉縣鎮遏兵馬使趙絜充本縣令有紊條章罰一月俸料

其年四月命中官五人為京西和糴使諫議大夫鄭
覃右補闕高金等同以疏論上覽之即日罷其使
其年八月以侍省姚文壽充京西京北行營宣慰計
會使六月制以左金吾衛大將軍胡証充京西京北
巡邊使所經遇州鎮與節度防禦使刺史審商量利
害具事實聞奏日程异之請也七月罷晉州防禦使
八月浙東觀察使薛式奏準勅諸道所管支郡別置
鎮遏守提兵馬者宜並屬刺其邊徼溪洞接連蠻夷
之處時建城鎮者則不在此限合當道望海鎮明州
去七十里餘俯臨大海東與新羅日本諸蕃接界諸

據文不屬明州許之

十五年十二月中書門下奏曰外六品已下正員官
諸道諸使奏充掌職比限兩考及授官經二十已上
方許奏請然與依資改轉有才在下位者不免留滯
請今後諸道諸使應奏請正員官充職掌經一周年
即與依資改轉未一周年者與同類試官從之舊制
判官二周年始許改轉通許三考謂之得
資與同類試官今不依舊典物議非之
長慶三年三月勅諸道軍府大將帶監察已上官者
三周年與改轉如是加勅合非時與改者不在此限
其大將未曾奏官者即亦仰奏焉

四年二月勅諸道節度使去任日宜準元和十五年
七月十五日勅處分其交割狀限新入到任後一箇
月內分析聞奏并報中書門下據替限委中書門下
據報狀磨勘聞奏以憑殿最

寶曆元年十二月江西觀察使殷宥奏管內州縣官
大半勾當留在京師職掌當道兩稅外又有旨支未
見在官稅兩克細者今請下有司上于五員從之仍
勅諸道準此

唐會要卷第七十八

